

NEDL TRANSFER



HN 67FL 3

THE  
CLASSICS



AN


MAOPAY NĀGA SUMAT

NI JESUKRISTO

SIRING NI MARKOS,

USA NĀGA BAHIN

SAN BAG-O NĀGA TESTAMENTO SAN ATON GINOO NĀGA SI JESUKRISTO.



MANILA, P.I.

1908.

KF 3421

Harvard College Library  
June 11, 1917  
Gift of  
American Bible Society

**THE GOSPEL OF MARK IN SAMARENYO.**

**PHILIPPINE AGENCY:  
AMERICAN BIBLE SOCIETY,  
BIBLE HOUSE, ASTOR PLACE, N.Y.**

AN  
MAOPAY NGA SUMAT

NI  
JESUKRISTO

SIRING NI

MARKOS.

*Si Iuan nga Parabaptis.*

1 AN tinikangan san Maopay nga Sumat ni Jesukristo nga Anak san Dios.

2 Sugad san nahasurat ni Isaias nga manaragna: "Kitaa, akon iginsosogo an akon sorogoon sa atubangan san imo bayhon, nga magaandam san imo dalan.

3 An tingug san usa nga nagsisingit sa kamingawan: Pagandam kamo san dalan san Ginoo; tadunga niyo an iya mga agian."

4 Si Iuan nagbaptis didto sa kamingawan, ngran nagwali san bap-tis san pagbasol sa pagpasaylo san mga sala.

5 Ngran nanangnp sa iya an bug-os nga taga-Iudea, ngran an mga taga-Ierusalem, ngran pinabaptisan sira niya ngatanan sa salug san Iordan, sa pagtug-an nira san ira mga sala.

6 Ngran si Iuan nagsuklub sin mga barahibe san kamelyo, ngran usa ka bagkus nga anit sa iya hawak; ngran nagkaon sin mga duron, ngran dugus nga tarahon.

7 Ngran nagwali, ngran siniring: "Nasunud sa akon an gerogamhanan pa sa akon; sa iya diri ako takus maghubad sin paggoko san higut san iya mga sapin.

8 Ako, sa matuud, nagbabaptis sa iyo sa tubig, kondi siya magbabaptis sa iyo sa Espiritu Santo.

*An pagbaptis ngran an pagsulay kan Jesus.*

9 Ngran nahanabu sadto nga mga adlaw, nga si Jesus inabut tikang sa Nasaret san Galilea, ngran ginbaptisan siya ni Iuan sa Iordan.

10 Ngan sa gilayon, san pagsaka niya sa tubig, nakita niya, nga nabuksan an mga langit, ngan an Espiritu, sugad san sarapati, nga nakuyasad sa igbaw niya.

11 Ngan inabut in usa nga tingug tikang sa mga langit: "Ikaw amo an akon Anak nga hinigugma; sa imo may ada kalipay ako."

12 Ngan sa kadagmitan ginpagowa siya san Espiritu sa kamingawan.

13 Ngan didto siya sin kapatán ka adlaw sa kamingawan, ngan ginsulay ni satanas; ngan didto upud san mga mananap nga magpintas; ngan an mga sorogoon san Dios nagmamangno sa iya.

*An pagtawag sa mga nahama nga mga tinon-an.*

14 Ngan san kabilango na ni Iuan, inabut si Jesus sa Galilea pagwali san Maopay nga Sumat san ginhadian san Dios.

15 Ngan nasiring: "An panahon natuman na, ngan an ginhadian san Dios habani na: Magbasol, ngan tumoo kamo sa Maopay nga Sumat."

16 Ngan san naglalakat siya sa baybay san dagat sa Galilea, nahikit-an niya si Simon, ngan si Andres, nga bugto ni Simon, nga naglaladlad san usa nga pukot sa dagat; kay mga mangirisda sira.

17 Ngan nagsiring si Jesus sa ira: "Sunud kamo sa akon, ngan bibimoon ko kamo nga mangirisda san mga tawo."

18 Ngan sa gilayon binayaan nira an ira mga pukot, ngan nanunud sira sa iya.

19 Ngan san pakalakat sa oraonhan, nakita niya si Iakobo, nga anak ni Sebedeo, ngan si Iuan, nga iya bugto, nga nagtatangkup man san ira mga pukot sa ira sakayan.

20 Ngan sa gilayon gintawag niya sira; ngan binayaan nira an ira amay, nga si Sebedeo, sa sakayan upud san mga sinohulan, ngan nanunud sira sa orhe niya.

*Pagtambal san yawanon sa Kapernaum.*

21 Ngan sira sinulud as Kapernaum; ngan sa gilayon sa adlaw nga iparahaway sinulud siya sa sinagoga, ngan nanutdo.

22 Nġan nanhipausa sira san iya pagtutdo; kay siya nagtutdo sa ira sugad sin may ada pagburutan, nġan diri sugad san mġa eskriba.

23 Nġan may ada didto usa nġa tawo, sa ira sinagoga, nġa may ada espiritu nġa mahugaw; nġan nagsingit siya,

24 Nġan nasiring: "Ķ Ano in amon sa imo, Jesus nġa Nasaretnon? Ķ Nakanhi ka ba sa pagguba sa amon? Ako nakilala kon sin-o ikaw, an Earaan san Dios."

25 Nġan ginsaway siya ni Jesus, nġan nasiring: " Hilum, nġan gumowa sa iya."

26 Nġan, san pinakurug siya san espiritu nġa mahugaw, nġan san siningit sa daku nġa tingug, ginowa sa iya.

27 Nġan an nġatanan nanhipausa, sugad nġa kaagi nġa nagbalingkutay sira, nġan nasiring: "Ķ Anano ini? Ķ Anano nġa pagtoronan nġa bag-o ini, nġa may ada pagburutan, nġa nagsugo siya bisan sa mġa espiritu nġa mġa maghugaw; nġan nagtuman sira sa iya?"

28 Nġan sa gilayon nagsarang an iya kadunganan sa bug-os nġa katunaan nġa palibot sa Galilea.

*Pagtambal san uganġan nġa babaye ni Pedro, nġan san iba pa nġa mġa magsakiton.*

29 Nġan sa gilayon, san paggowa sa sinagoga, sinulud sira sa balay ni Simon nġan si Andres, upnd si Iakobo nġan si Iuan.

30 Nġan an uganġan nġa babaye ni Simon nahigda, kay may ada hiranat. Nġan sa kadagmitan ira ginsumatan tungud sa iya.

31 Nġan napahirani siya, nġan kinaptan niya siya sa kamut; nġan iya binanġon, nġan sa gilayon binayaan siya san hiranat, nġan nagmangno sa ira.

32 Nġan, san kakuroipon, sa katunud na san adlaw, gindara nira sa iya an nġatanan nġa mġa masakiton, nġan an mġa yawanon.

33 Nġan an bug-os nġa bungto sadto natirok sa ganghaan.

34 Nġan, gintambal niya an kadam-an nġa mġa masakit sa magkadirodilain nġa mġa sakit, nġan ginpaiwas niya an damu nġa mġa yawa, nġan waray niya tuguti, nġa magyinkan sira; kay nakakilala sira sa iya.

35 Nġan sa pagkaaga, nagbubat siya sa waray pa sisidlak,

nġan naglakat, nġan nakadto sa usa nġa lugar nġa maminġaw, nġan didto nangaraba.

36 Nġan si Simon, nġan an mġa upud niya, nanunad sa iya.

37 Nġan, san paghiagii sa iya, nagsiring sira sa iya: "An nġatanan nagpipinamiling sa imo."

38 Nġan siya nagsiring sa ira: "Pakadto kita sa mġa bungto nġa harani, basi magwali man ako didto, kay tungud sito linakat ako."

39 Nġan nagwali siya sa mġa sinagoga nira, sa bug-os nġa Galilea, nġan nagpaiwas sa mġa yawa.

*An pagtambal san usa nġa lasarohon.*

40 Nġan napahirani sa iya an usa nġa lasarohon, nġa nagpakimalooy sa iya, nġan limhud sa atubangan niya, nġan nasiring sa iya: "Kon imo karuyag, makakagtinlo ka sa akon."

41 Nġan si Jesus, san paghikaloooy sa iya, inuntay niya an iya kamut, nġan kinamkam siya, nġan siniring sa iya: "Karuyag ko, matinloan ka."

42 Nġan sa gilayon san iya pakagyakan, iniwas an lasaro, nġan natinloan siya.

43 Nġan gintagon siya ni Jesus sin maopay gud, nġan gilayon pinalakat siya.

44 Nġan siniring siya sa iya: "Magmatnġon ka, nġa diri ka magpanumat bisan ano man, nġan bisan kan sin-o; kondi lakat, nġan mapakita ka sa saserdote, nġan maghalad ka tungud sa imo pagkatinlo sadton iginsogo ni Moises, sa pagpamatuud sa ira."

45 Kondi siya, san pakalakat, nagtikang sa panumat sin daku, nġan pagpabantug san nahimo, nġa diri na sedang si Jesus makasulud sin dayag sa bungto, kondi sa gawas siya sa mġa lugar nġa kamingawan; nġan sira nangabut sa iya sa nġatanan nġa mġa kapipiliwan.

*An lulid sa Kapernaum.*

**2** NġAN sinulud siya liwat sa Kapernaum, sa katapus sin pira ka adlaw, nġan nahibatian, nġa siya nakadto sa balay.



2 Ngan sa gilayon kadam-an an nagtitirok sa iya; amo an kasugad nga waray na ngani maigo, bisan pa sa hahirani sa ganghaan, ngan iginyakan niya sa ira an pulong.

3 Ngan nangabut sa iya an pira nga nagadaradara sin usa nga lulid, nga gindadara sin upat.

4 Ngan, san diri sira sedang makahirani sa iya, tungud san kadam-an, gingulhaban nira an atup san tungud niya; ngan san nabuhuan na, gintonton nira an duyan nga hinibigdaan san lulid.

5 Ngan san nakita ni Jesus an pagtoo nira, nagsiring sa lulid: "Anak, pinasaylo ka na san imo mga sala."

6 Ngan may nanlilingkod didto an iba san mga eskriba, ngan nagpapainoino sa ira mga kasingkasing:

7 "¿Kay ano nga nagyakan ini sin sugad nga pagpasipara? ¿Sin-o an sedang makapasaylo sa mga sala, kondi usa la, an Dios?"

8 Ngan san nasayoran sa gilayon ni Jesus sa iya espiritu, nga nagpapainoino sira sin sugad sa sulud san ira kalugaringon, siniring niya sira: "¿Kay ano nga nagpapainoino kamo sini nga mga bagay sa iyo mga kasingkasing?"

9 ¿Anano ba an masarosayon an pagsiring sa lulid: Ipinasaylo an imo mga sala; o pagsiring: Buhat ka, ngan dad-a an imo duyan, ngan lumakat?

10 Kondi, basi niyo hibaroan, nga an Anak san Tawo may gahum sa tuna sa pagpasaylo san mga sala (nagsiring sa lulid).

11 Sa imo nasiring ako: Buhat, ngan kuha an imo duyan, ngan kumadto ka sa imo balay."

12 Ngan sa gilayon binuhat siya, ngan gindara niya an iya duyan, ngan napakadto sa atubangan san ngatanan; amo in kasugad nga an ngatanan nanhipausa, ngan ginhimaya nira an Dios, ngan nasiring: "Waray pa gud kita makakakita sin sugad nga buhat."

*An pagtawag kan Lebi.*

13 Ngan si Jesus nakadto liwat sa hirani san dagat; ngan an bug-os nga kadam-an nagkaabut sa iya, ngan iya gintutdoan sira.

14 Ngan, san pag-agi, nakita niya si Lebi, nga anak ni Alpeo, nga naglilingkod sa buruhisan, ngan siya siniring sa

iya: "Sunud sa akon." Ngan san pagtukdaw niya, sinunud sa iya.

15 Ngan nahanabu nga, san si Jesus nakiling sa lameta sa balay sini, kadam-an man nga mga manurukot san buhis ug mga makasasala, nangingiling man upud sa iya, ngan san iya mga tinon-an; kay damu sira, ngan nanunud sa iya

16 Ngan, san nakita siya san mga eskriba, ngan mga pariseo, nga nangangaon kaupud san mga manurukot san buhis ngan mga makasasala, sira nagsiring sa iya mga tinon-an: "¿Kayano nga nakaon, ngan nainum siya upud san mga magsurukot san buhis ngan mga makasasala?"

17 Ngan san pakabati sini ni Jesus, siniring sa ira: "An mga magopay waray kinahanglan san magtarambal, kondi an mga may ada sakit. Waray ako makanbi sa pagtawag sin mga matadung, kondi san mga magpakasasala sa pagbasol."

### *Sa pagpuasa.*

18 Ngan nanmuasa an mga tinon-an ni Iuan, ngan san mga pariseo; ngan fanhirani sira kan Jesus, ngan nasiring: "¿Kay ano nga nagpuasa an mga tinon-an ni Iuan, ngan san mga pariseo, ngan an imo mga tinon-an waray magpuasa?"

19 Ngan si Jesus nagsiring sa ira: "¿Sadang magpuasa an mga kaupud san bana san kinasal, kon ini ada pa upud sa ira? Sa aada pa upud nira an bana, diri sira nakakagpuasa.

20 Kondi maabut an mga adlaw, nga pangunguha-on sa ira an bana, ngan niyan magpuasa sira sadto nga mga adlaw.

21 Waray usa nga nagtatahi sin usa nga tangkup nga diri pinakura sa usa nga panapton nga daan; sa lain nga paagi an tangkup nga bag-o nakagusi san daan na, ngan nakakarabdab pa san gusi.

22 Ngan waray usa nga nagsusulud sin alaksio nga bag-o sa mga panit nga daan; sa lain nga paagi an bag-o nga alaksio makakapabutu san mga panit, ngan an alaksio makakarag, ngan an mga panit; kondi an alaksio nga bag-o kinahanglan igsulud sa mga panit nga bag-o.

### *Si Jesus Ginoo san Sabado.*

23 Ngan nahanabu, nga nag-agi siya sa adlaw nga ipara-

huway sa mga sabwag; ngan an iya mga tinon-an nagti-  
kang sa pagpamuru sin mga uhay, san sira naglalakat.

24 Ngan nagsiring sa iya an mga pariseo: "¡ Kitaa!  
¿ Kay ano nga nagbubuhay sira sa adlaw nga iparahuway san  
diri igo sa Kasogoan?"

25 Ngan siya nagsiring sa ira: "¿ Waray ba niyo hibasahi  
an ginbuhay ni Dabid, san siya may kinahanglan, ngan ipay  
kagutum siya, ngan an mga upud niya?"

26 ¿ Naonan-o nga sinulud siya sa balay san Dios, san mga  
adlaw ni Abiatar, nga pinakabataas nga saserdote, ngan kinaon  
san mga tinapay, nga nahabutang sa atubangan san Dios,  
nga diri nahaiigo sa ira an pagkaon, kondi sa mga saserdote  
la, ngan gintagan man niya an mga kaupud niya?"

27 Ngan siya nagsiring sa ira: "An adlaw nga iparahuway  
ginbuhay tungud sa tawo: diri nga an tawo, sa adlaw nga  
iparahuway.

28 Busa an Anak san Tawo amo an Ginoo man san adlaw  
nga iparahuway."

*An tawo nga may usa nga kamut nga uga.*

3 **N**GAN sinulud siya liwat sa sinagoga, ngan didto may usa  
ka tawo, nga may usa nga kamut nga uga.

2 Ngan gininawan nira siya, kon pagtambalon niya sa  
adlaw nga iparahuway, basi igsumbung nira siya.

3 Ngan nagsiring siya sa tawo, nga may kamut nga uga:  
"Tukdaw sa butnga."

4 Ngan siya nagsiring sa ira: "¿ Igo ba san Kasogoan sa  
adlaw nga iparahuway an pagbuhay sin maopay, o kon  
pagbulat sin maraut? ¿ Pagluwas sin kinabuhi, o kon  
pagpatay?" Kondi sira nagbilum.

5 Ngan, san panginano niya sa ira, kinita niya sira nga may  
kasina, nga masurubon tungud san katig-a sa ira mga  
kasingkasing, siya siniring sa tawo: "Untaya an imo  
kamut." Ngan iya inuntay, ngan an iya kamut nabihi-an  
nga maopay na sugad san usa.

6 Ngan san pakalakat na, san mga pariseo, sa gilayon  
uagsarabut sira sa mga Herodianhon patok kan Jesus, sa  
pagpatay sa iya.

7 Ngan inuli si Jesus upud san iya mga tinon-an ngadto sa  
dagat; ngan nanunud sa iya in usa ka daku nga kadam-an  
tikang sa Galilea, ngan sa Judea;

8 Ngan sa Ierusalem, ngan sa Idumea, ngan didto dapit san Iordan; ngan an mga naghilubot sa Tiro, ngan sa Sidon, usa nga daku nga kadam-an, san ira pakabati san ngatanan nga ginhimo niya, nangabut sa iya.

9 Ngan nagsogo sa iya mga tinon-an, nga mag-sadam sira sin usa nga sakayan tungud san kadam-an, basi diri siya mira maipit.

10 Kay gintambal niya in damu, amo in kasugad nga nagsosok sa iya an ngatanan nga mga may sakit sa pagkamkam sa iya.

11 Ngan an mga espritu nga maghugaw, san pakakita mira sa iya, nangulub sa atubangan niya, ngan nagsiringit, nga nasiring: "Ikaw amo an Anak san Dios."

12 Ngan siya nagtugon gud sa ira, nga diri mira igpakilala siya.

*An pagtawag san napulo kag duha.*

13 Ngan sinaka siya sa bukid, ngan gintawag niya sa iya an mga karuyag niya; ngan nanaup sa iya.

14 Ngan gintukud niya an napulo kag duha, basi nga mangupud sa iya, basi siya nagsogo sa ira sa pagwali;

15 Ngan sa may kagamhanan sa pagpauambal san mga sakit, ngan pagpaiwas san mga yawa:

16 Si Simon, nga gingaranan nga si Pedro

17 Ngan si Iakobo, nga anak ni Sebedeo, ngan si Iuan, nga bugto ni Iakobo, nga gingaranan niya sira nga mga Boanerges, nga kon sayoron, an mga anak san dalugdug;

18 Ngan si Andres, ngan si Felipe, ngan si Bartolome, ngan si Mateo, ngan si Tomas, ngan si Iakobo, nga anak ni Alpeo, ngan si Tadeo, ngan si Simon nga Kanaanhon,

19 Ngan si Iudas Iskariote, nga nagtubyan man sa iya. Ngan nanulud sira sa balay,

*An pasipara san mga eskriba.*

20 Ngan burunyug liwat an mga kadam-an, amo in kasugad nga diri sira sadang makakaon bisan tinapay.

21 Ngan san pagpakabati simi san mga tag-iya, nakadto sa pagdakup sa iya; kay nasiring sira: "Natuyaw siya."

22 Ngan an mga eskriba, nga nanlusok tikang sa Ierusalem, nasiring: "May Beelsebub siya; ngan: Tungud kay punoan san mga yawa nagpaiwas san mga yawa."

23 Nġan gintawag niya sira sa iya, nġan ginsiring niya sa mġa paaliday: "Ķ Ano in pagkasadang ni satanas pagpawas kan satanas?"

24 Nġan kon an usa nġa ginhadian magkabahin patok sa iya man, adto nġa ginhadian diri sadang magpadayon.

25 Nġan kon an usa nġa balay magkabahin patok sa iya man, adto nġa balay diri sadang makapadayon.

26 Nġan kon si satanas tumindug patok sa iya nġahaw, nġan magkabahin siya, diri siya sadang makapadayon, kondi may katapusan siya.

27 Waray bisan sin-o nġa makakasadang pagsulud sa balay san makusug, nġan pagagawon an iya mġa garamiton, kon diri niya anay gapuson an makusug; nġan niyan tikason an iya balay.

28 Sa matnud nagsiring ako sa iyo, nġa pagpapasaylon an mġa anak san mġa tawo san nġatanan nġa mġa sala nira, nġan san nġatanan nġa mġa pasipara. nġa igpapasipara;

29 Kondi bisan sin-o nġa magpasipara sa Espiritu Santo, diri gud mahiaagum sin pasaylo, kondi nġa makakasala siya san sala nġa waray katapusan."

30 Kay siniring sira: "Siyam ay ada usa ka espiritu nġa mahugaw."

#### *Panimalay ni Jesus.*

31 Nġan nangabut an iya mġa kabugtoan, nġan an iya iroy; nġan san nanunukdaw sira sa gowa, iginpatawag siya nira.

32 Nġan an kadam-an nanlingkod sa palibot niya, nġan nasiring sa iya: "Kitaa, an imo iroy, nġan an imo mġa kabugtoan sa gowa, nġan namimiling sa imo."

33 Nġan siya nagbaton sa ira, nġan nasiring: "Ķ Sin-o an akon iroy, o an akon mġa kabugtoan?"

34 Nġan siya nanginano siya sa mġa nagkakalingkod sa palibot niya, nġan nasiring: "Kitaa, an akon iroy, nġan an akon mġa kabugtoan."

35 Kay bisan sin-o nġa magbubat san kaburuton san Dios, ini amo an akon bugto nġa lalaki, nġan an akon bugto nġa babaye, nġan an akon iroy."

#### *Pananglitan san magsarabud.*

4 NġAN siya nagtikang liwat sa pagpanutdo sa baybay san dagat; nġan nagtiripon sa iya an usa nġa daku gud nġa

kadam-an, amo an pagsakay niya sa sakayan, nğan naglingkod didto sa dagat; nğan an bug-os nğa kadam-an nakadto sa tuna sa baybay san dagat.

2 Nğan pinanutdoan sira sin damu nğa mga bagay sa mga pananglitan, nğan ginsiring niya sira san iya pagtoron-an :

3 Pamatii niyo: Kitaa, usa nğa magsarabud naglalakat sa pagsabwag.

4 Nğan nahanabu, san siya nagsasabwag, nğa an usa ka bahin san binhi naholog sa ligid san dalan, nğan nanaup an mga tamsi sa langit, nğan ira gintuktuk.

5 Nğan an usa ka bahin naholog sa kabatohan, didto sa waray damu nğa tuna; nğan sa gilayon nanubu, tungud kay waray kahilarum sa tuna

6 Nğan san pagsirang san adlaw, nagkauuga; nğan tungud nğa waray gamut, nagkalalaya

7 Nğan an usa ka bahin naholog sa kasapinitan, nğan nanubu an mga sapinit, nğan pinanlungsan ito, nğan waray makapamunga.

8 Nğan an usa ka bahin naholog sa maopay nğa tuna; nğan namunga, nğan tinubu, nğan dinaku, nğan nagdara an usa sin katloan; nğan an usa, kaunman; nğan an usa, usa ka gatus."

9 Nğan, siya nagsiring sa ira: "An may ada mga talinga sa pamati, mamati."

10 Nğan san usa na la siya, an mga naglilibut sa iya kaupud san nanapulo kag duha, nanmekiana sa iya nabatutungud san pananglitan.

11 Nğan siya nagsiring sa ira: "Sa iyo iginhatag an pagpahibaro san tinago san ginbadian san Dios; kondi an mga aada sa gowa, an ngatanan nğa mga bagay, sa mga pananglitan;

12 Basi nğa sa pagkita, makita nira, nğan diri sira makakilala; nğan sa pamati, magkabati sira, nğan diri sira makasabut; bangin nğa kon magkababalhin sira, nğan pagpasayloon sira san ira nğa sola."

13 Nğan siya nagsiring sa ira: "¿Waray niyo masabuti ini nğa pananglitan? Nğan ¿paoonanhon nğa pagsabut niyo san ngatanan nğa mga pananglitan?"

14 An magsarabud nagsabwag san polong.

15 Nğan ini sira amo an mga sa ligid san dalan, nğa didto iginsabud an polong; kondi san ira pagpakabati, sa gilayon inabut si satanas, nğan ginkuha niya an polong nğa iginsabud sa ira nğa kasingkasing:

16 Ngan sugad man sira amo an mga iginsabwag sa mga kabatoan, nga sa pakabati nira san polong, sa gilayon kinarawat nira siya nga malipayon.

17 Ngan waray sin gamut sa ira kalugaringon, kondi sa gutiay nga panahon la; niyan kon umabut an kagol-anan, o pamokod tungud san polong, sa gilayon makakaagi sira sin katigayonan sa paghipakdol.

18 Ngan an iba amo an iginsabwag sa mga kasapinitan; ini amo an mga nagpakabati san polong;

19 Ngan ginsudlan sira san mga pangarit san kalibutan, ngan san limbong san mga mangad, ngan san karuyag nahatungud sa iba nga mga butang, nalumsan an polong, ngan waray magmabungaon.

20 Ngan ini amo an iginsabwag sa tuna nga maopay: an mga nanmamati san polong, ngan ira ginkarawat, ngan ibinunga an usa, katloan; an usa, kaunman; pgan an usa, usa ka gatus.

*Pananglitan san suga.*

21 Nagirsing man siya sa ira: “¿Gindadara ba an suga, basi nga ibutang sa ilarum san taraksan, o sa ilarum san higdaan? ¿Diri ba, basi nga ibutang sa burotangan san suga?”

22 Kay waray ano man nga tinago kon diri igpapadayag; bisan ano nga tinago, kondi basi nga mapahayag.

23 Kon sin-o an may mga talinga sa pamati, mamati.

24 Ngan nagsiring man siya sa ira: “Pag-andam kamo san iyo pinamamatian; sa suruklan nga iyo igsukul, pag-susuklon sa iyo; ngan kamo nga namamati, pagdudugangan kamo.

25 Kay an may ada, sa iya ihahatag; kondi an waray, bisan pa an iya pagkukuhaon sa iya.”

*Pananglitan san binhi.*

26 Nagsiring man siya: “Amo man an ginhadian san Dios, sugad nga kon an usa ka tawo ig-abud niya an binhi sa tuna.

27 Ngan komatorog, ngan magbangon sa gab-i; ngan sa adlaw, ngan an binhi maturuk, ngan magtitinubu, nga waray niya hibaroi kon naonano.

28 Kay an tuna sa iya kalugaringon manmamunga; an una, dahon; sunud, an puso; sa orhi, an bug-os nga matiragas nga puso;

29 Ngan kon an bunga sedang na, sa gilayon padadad-an san tawo sin garab, kay inabut na an pangani."

*Pananglitan san binhi san mostasa*

30 Nagsiring man siya: "¿Ano nga kaangay naton an ginhadi-an san Dios? O ¿sa ano ba nga pananglitan aton siya igpapananglit?"

31 Sa usa nga binhi nga mostasa, nga kon isabwag sa tuna, amo an labi nga gutiay san ngatanan nga mga binhi, nga anda sa tuna;

32 Kondi san nahasabwag na, magtitinubu, ngan magdidinaku pa sa ngatanan nga urotanon, ngan manananga sin duro kadagku, nga an mga katamsihan sa langit sedang makahapon sa ubus san iya lambong."

33 Ngan sa madamu nga sugad nga mga pananglitan nga ipinamolong niya sa ira an polong, sugad san sedang sira makapamati.

34 Ngan sa waray panaglitan waray magyakan sa ira; kondi san sira la, iginsaysay niya an ngatanan nga mga bagay sa iya nga tinon-an.

*Si Jesus nakadto san uranos.*

35 Ngan sadto nga adlaw, san kolop, nagsiring siya sa ira: "Matabok kita sa tabok."

36 Ngan san pagbayai nira san kadam-an, gindara nira siya, sugad san dididto man siya, sa sakayau; ngan may ada didto man iba nga mga gudtiay nga sakayan kaupud nira.

37 Ngan inabut in usa nga daku nga unos san hangin; ngan ginsakyan san mga balud an sakayan, nga sanglit ito napuno na.

38 Ngan siya nakadto sa olin, nga uahangangaturug sa bawbaw san olonan. Ngan ira siya ginpukaw, ngan nasiring sa iya: "Magturutdo, ¿diri ka ba nabaraka, nga magkakalulunus kita?"

39 Ngan nagbangon siya, ngan ginsaway niya an hangin, ngan ginsiring niya an dagat: "¡Himurayaw; maglinaw ka!" Ngan inokoy an hangin, ngan inabut in daku nga kalinaw.



40 Ngan siya nasiring sa ira : “¿ Kay ano an iyo pagkaha-  
hadluk? ¿ Ano nga waray kamo pagtoo?”

41 Ngan nagkahadluk gud sira sin daku, ngan nagsiniringay  
an usa kag usa : “¿ Sin-o ba ini, nga bisan an hangin ug an  
dagat nasugut sa iya?”

*An yawan-on nga taga-Gadara.*

5 NĠAN nangabut sira sa tabok san dagat, sa tuna san  
mga taga-Gadara.

2 Ngan san pakahawas niya sa sakayan, sa kadagmitan  
ginsugat siya sin usa ka tawo, nga may espiritu nga mahugaw,  
tikang sa mga lulubngan;

3 Nga an iya puruyan didto sa mga lulubngan, ngan bisan  
pa sa mga tarikara waray sin-o man nga nakakasadang  
paggapus sa iya

4 Kay nakadamu na paggapusa siya san mga lugpit, ngan  
mga tarikara; ngan an mga tarikara pinamugtas niya, ngan  
pinanmari an mga lugpit, ngan waray may nakasadang sin  
pagpaanad sa iya

5 Ngan didto siya gihapon, sa adlaw ngan sa gab-i, sa mga  
kabukirau, ngan sa mga lulubngan, nga nagsisingit, ngan  
nagsasamad siya sa iya ngahaw san mga bato.

6 Ngan sa pakakita niya kan Jesus sa hirayo, nagdalagan  
siya, ngan nagsimba sa iya.

7 Ngan san pagsingit sa daku nga tingug, nasiring. “¿ Ano  
in akon sa imo, Jesus nga Anak san Gihatataasi nga Dios?  
Iginsusumpa ta ikaw sa Dios nga diri mo ako pagsakiton.”

8 Kay siniring siya niya : “Gowa ka sa tawo, espiritu nga  
mahugaw.”

9 Ngan nagpakiana siya sa iya : “¿ Sin-o an ngaran mo?”  
Ngan siya binaton, ngan nasiring : “Legion\* an akon ngaran,  
kay damu kami.”

10 Ngan nakimalooy sa iya sin duro, nga diri niya sira  
pakadtoon sa gawas san tuna.

11 Ngan may didto, hirani sa kabukiran, usa nga daku nga  
kapanon sin mga baktin, nga nagpipinanabsab.

12 Ngan nakimalooy sa iya an ngatanan nga mga yawa,  
ngan siniring : “Pakadto-a kami sa mga baktin, basi nga  
manulud kami sa ira.”

\* Legion, may ada lima, o unum ka ribo.

13 Ngan tinugutan sa gilayon ni Jesus. Ngan san pangowa san mga espiritu nga maghugaw, nanulud sa mga baktin; ngan an kapanon dinulug nga nagdadadlagan sin makusug sa pangpang ngadto sa dagat; may ada daw mga duha ka ribo sira, ngan nagkalulumus sa dagat

14 Ngan an mga napapanabsab san mga baktin, nagpahirayo, ngan nanumat didto sa bungto, ngan sa kaoman. Ngan nagkalakat an mga tawo sa pagkita san nahinabu.

15 Ngan sira nangabut kan Jesus, ngan nakita nira an may legion anay nga yawanon, nga ualingkod, ngan pinanaptonan, ngan sa iya maopay nga panumduman, ngan nagkahadluk sira.

16 Ngan ginsumatan sira san mga nagpakakita san nahanabu sa yawanon, ngan sa mga baktin.

17 Ngan nagtikang sira sa pagpakimalooy sa iya, nga gumikan siya tikang san ira mga paulitan.

18 Ngan san nasakay na siya sa sakayan, nagpakimalooy sa iya an yawanon sadto, nga tugutan siya, nga makaupud sa iya;

19 Kondi waray tunugut si Jesus sa iya, kondi nagsiring sa iya: "Kadto ka sa imo balay sa imo mga sangkay, ngan pagsumati sira kon matiunano ka daku, nga mga bagay an ginhimo sa imo san Ginoo, ngan nga kinalooyan niya ikaw."

20 Ngan linakat siya; ngan nagtikang sa pagpasamwak sa Dekapolis kon matiunano ka daku nga mga bagay an binuhat sa iya ni Jesus; ngan nanhitingala an ngataan.

*An anak nga babaye ni Iairo; an babaye nga masakit nga ginaawakan.*

21 Ngan san pagtabok liwat ni Jesus sa sakayan sa tabok, nagtiripon sa iya in usa nga daku nga kadam-an; ngan siya sadto hirami sa dagat.

22 Ngan, kitaa, inabut sa iya in usa san mga magburunt san sinagoga, nga gingangaranan si Iairo; ngan san pakakita sa iya, kinulub sa tiilan niya.

23 Ngan siya nakimalooy sin daku sa iya, ngan nasiring: "An akon anak nga babayehay naghilingutas; ipinakimalooy ko sa imo, nga imo kadtoon, ngan ibutang mo san imo mga kamut sa iya, basi nga maluwas, ngan mabuhi siya.

24 Ngan inupud sa iya si *Jesus*; ngan nanunud sa iya in usa nga daku nga kadam-an, ngan ginsosook siya.

25 Ngan usa nga babaye, nga ginaawakan, sa kanan napulo na kag duha ka tuig;

26 Ngan nag-antus sin daku sa madumu nga mga tambalan, ngan nagkarag san ngatanan niya; ngan sa waray niya pagpusli, ngan waray ngani pagoropay, kundi nagtikaraut pa;

27 San pakabati niva sa nahatutungud kan *Jesus*, nagpahirani sa luyo sa butnga san katawohan, ngan kinamkam an iya nga panapton.

28 Kay siya nasiring: "Kon akon la makamkam an iya nga panapton, maluluwas ako."

29 Ngan sa gilayon inukoy an iya nagtitinabiyog. ngan inabat sa iya lawas, nga nagopay na an iya sakit.

30 Ngan sa gilayon nakilala ni *Jesus* sa iya kalugaringon, nga an gabum ginowa sa iya; ngan san paglingi niya sa butnga san mga katawohan, nagsiring: "¿Sin-o an nagkamkam san akon nga panapton?"

31 Ngan nagsiring sa iya an iya nga tinon-an: "Nakita mo, nga ginpopook ka san katawohan, ngan nagsiring ka: ¿Sin-o an nagkamkam sa akon?"

32 Ngan nannginano siya sa pagkita san sa iya san nagbuhat sini.

33 Ngan an babaye, nga nahadluk nga nangurug, san hinbaroan niya an nahinabu sa iya, napahirani, ngan kinulub sa atubangan niya, ngan nagsumat sa iya san ngatanan nga kawatooran.

34 Ngan siya nagsiring sa iya: "Anak, an imo pagtoo ginluwas ka; lakat ka sa kamurayaw, ngan maopay ka san imo sakit."

35 San nagyayakan pa siya, may mga nagkaabut tikang sa balay san magburuut san sinagoga, ngan nasiring: "An imo anak patay na. ¿Ano nga budlayon mo pa gud an Magtuturo?"

36 Ngan si *Jesus* sa gilayon, san pagkabati san polong nga iginsiring, nagsiring sa magburuut san sinagoga: "Diri ka mahadluk; magtoo ka la."

37 Ngan waray magtugut bisan kan sin-o, nga umupud sa iya, kondi si *Pedro*, nga si *Iakobo*, ngan si *Juan*, nga bugto ni *Iakobo*.

38 Nġan inabut siya sa balay san (magburuut san sinagoga, nġan nakita niya an usa nġa aringasa, nġan mġa nanunook, nġan nanbahayhay sin duro.

39 Nġan sa iya pagsulud, siya nagsiring sa ira: "Ķ Anc nġa nagaaringasa, nġan nanunook kamo? An bata waray mamatay, kondi nakatorog."

40 Nġan gintinawaan siya nira. Kondi san natabog niya an nġatanan, gindara niya an amay, nġan an iroy san bata, nġan an mġa dididto kaupud niya, nġan sinulud san binihigdaan san bata.

41 Nġan kinaptan niya sa kamut an bata, nġan nagsiring sa iya: "Talitha kumi;" nġa kon badbaron amo: "Daraga, sa imo ako nagsiring, magbuhat ka."

42 Nġan sa gilayon nagbuhat an daraga, nġan naglakat; kay may napulo kag duha na ka tuig siya. Nġan nanhipausa sira sa daku nġa paghiusa.

43 Nġan nagtugon gud sa ira, nġa waray sin-o man nġa mahibaro sini. Nġan nagsogo siya sa ira, nġa tagan sin pagkaon an daraga.

*Si Jesus nġa gintamay sa Nasaret.*

**6** NġAN nakadto si Jesus didto, nġan napakadto sa iya natubuan nġa tuna; nġan nanunud sa iya an iya mġa tinon-an.

2 Nġan san pag-abut san adlaw nġa iparahuway, nagtikaug siya sa panutdo sa sinagoga; nġan damu san mġa nagpakabati sa iya, nanhipausa, nġan nasiring: "Ķ Diin tikang ini nġa mġa bagay nġa nasa iya? Nġan Ķ an ano nġa kaaram ini nġa ginhatag sa iya, nġa bisan an sugad nġa mġa katingalaban ginbuhat san iya mġa kamut?"

3 Ķ Diri ba ini an panday nġa anak ni Maria, nġa bugto ni Iakobo, nġan ni Ioses, nġan ni Iudas, nġan ni Simon? ng Ķ waray ba dinhi upud sa aton an iya mġa bugto nġa babaye?" Nġan nakaagi sira sa iya sin katigayonan sa paghipakdol.

4 Nġan nagsiring sa ira si Jesus: "Waray usa nġa manaragna, nġa waray kadunganan, kondi sa iya natubuan nġa tuna, nġan sa butnġa san iya kaurupdan, nġan sa iya kalugaringon nġa balay."

5 Nġan waray makahimo siya didto sin ano man nġa katingalaban, kon diri an pagbutang niya sa may pira nġa mġa masakit san iya mġa kamut, nġan gintambal niya sira.

6 Nġan nahitingala siya tungud san pagkakulang sin pagtoo nira. Nġan naglibut sa mġa bisita, sa pagpanutdo.

*An katungdanan san napulo kag duha.*

7 Nġan gintawag niya an napulo kag duha, nġan nagtikang sa pagsogo sa ira sin tagdubaduha, nġan gintagan niya sira sin gabum patok sa mġa espiritu nġa mahugaw.

8 Nġan siya nagsogo sa ira, nġa diri sira magdara sin bisan ano sa paglalaktan, kondi usa nġa tungkod la; waray sin surndlan, waray sin tinapay, waray sin kuwarta sa bagkus;

9 Kondi nġa manuklub sira sin mġa sapin nġa buhobuho; nġan "diri kamo magsuklub sin duha nġa panapton."

10 Nġan siya nagsiring sa ira: "Bisan diin nġa magkasulud kamo sa usa nġa balay, pagokoy kamo didto, tubtub nġa magkalakat kamo tikang didto nġa lugar.

11 Nġan bisan diin nġa diri kamo karawaton nira, bisan pamati sa iyo, sa paglakat didto niyo, taktaka niyo an tapotapo sa mġa rapadapa san iyo mġa tiil, sa pagpamatuud patok sa ira. Matuud nasiring ako sa iyo, nġa maloroluya sa Sodoma nġan sa Gomora, sa adlaw san paghukom, sa sito nġa bungto."

12 Nġan nagkalakat sira, nġan nagwali, nġa magbasol an mġa tawo.

13 Nġan ginpagawas nira in damu nġa mġa yawa, nġan ginbirogan nira sin lana an damu nġa mġa magsakit, nġan gintambal sira nira.

*An kamatayon ni Iuan nġa Parabaptis.*

14 Nġan nahibati-an san hadi nġa si Herodes, kay nahabantug an iya nġaran, nġan nagsiring: "Si Iuan nġa Parabaptis nabanhaw sa mġa minatay, nġan tungud sini an mġa kagamhanan nabuhat sa iya."

15 An iba nagsiring: "Amo si Elias;" nġan an iba: "An usa nġa manaragna, o daw an usa san mġa manaragna."

16 Kondi, san pakabati ni Herodes, nagsiring: "Ini amo si Iuan, nġa akon ginpugutan; siya nabanhaw tikang sa mġa minatay."

17 Kay si Herodes amo man an nagsogo sa pagdakup kan Iuan, nġan iya gingapus siya sa bilangoan, tungud kan Herodias, nġa asawa ni Pelipe, nġa iya bugto; kay pinangasawa niya.

18 Kay si Iuan nagsiring kan Herodes: "Diri tugut sa imo an paghuput san asawa san imo bugto."

19 Nġan si Herodes nagdumut sa iya, nġan buut siya patayon; kondi waray siya pakakahimo;

20 Kay si Herodes nabahadluk kan Iuan, nġa nasayoran nġa siya usa nġa tawo nġa matadung nġan baraan, nġan ginabantayan niya; nġan sa nahibatian niya siya, naghimo siya sin damu nġa mġa bagay, nġan pinamatian niya siya sin malipayon.

21 Nġan san inabut an usa ka adlaw nġa maopay, nġa si Herodes, sa adlaw sa iya pagkatawo, napapanihapon sa mġa kadagkuan niya, nġan sa mġa Kiliarka,\* nġan sa mġa pangġolo sa Galilea:

22 Nġan san pagsulud an anak nġa babaye san amo nġa Herodias, nġan nagsayaw, naruyagan ni Herodes nġan sa mġa nangġingiling upud niya sa lamesa; nġan nagsiring an hadi sa daraga: "Mangaro ka sa akon, kon ano an imo karuyag, nġan ihahatag ko sa imo."

23 Nġan nagsumpa sa iya: "Bisan anano nġa butang, nġa imo pangaroon sa akon, ihahatag ko sa imo, bisan pa an katungā san akon ginhadian."

24 Nġan ginowa siya, nġan nagsiring sa iya iroy: "Anano an akon pangangaroon?" Nġan nagsiring siya: "An olo ni Iuan nġa Parabaptis."

25 Nġan simulud siya sin madagmit sa hadi, nġan nangaro, nġan nasiring: "Buut ko nġa an imo ihatag sa gilayon sa akon, sa usa nġa pingan, an olo ni Iuan nġa Parabaptis."

26 Nġan nagsakit gud kaopay an hadi; kondi tungud san iya mġa panumpa, nġan sa mġa nangġingiling upud niya, waray paglarisa niya siya.

27 Nġan sa gilayon nagsogo an hadi sin usa san iya mġa bantay, nġan nagsogo nġa dad-on an iya olo.

28 Nġan nagkalakat ini, nġan ginpugutan siya sa bilangoan, nġan gindara an iya olo sa usa nġa pingan, nġan iginahatag niya sa daraga; nġan iginhatag san daraga sa iya iroy.

29 Nġan san nahibatian san iya mġa tinon-an, nagpakadto nġan kinuha an iya lawas, nġan iginbutang nira sa usa nġa lulubnġan.

\* *Kiliarka*, pangġolo san usa ka ribo nġa sondalo.

*An nahawna n̄a pagpadamu san  
m̄a tinapay.*

30 N̄gan nagtitirok kan Jesus an m̄ga sinogo, n̄gan iginsumat nira sa iya an n̄gatanan n̄ga ira ginhimo, n̄gan an ira ipinanutdo.

31 N̄gan nagsiring siya sa ira: "Kadi kamo gud sin paglain sa usa n̄ga lugar n̄ga maminḡaw, n̄gan mamahuway kamo sin madaliay. Kay damu an tikanhi ug tikadto, n̄gan waray sira bisan katigayonan sau pagkaon.

32 N̄gan nanakay sira n̄gadto sa usa n̄ga lugar n̄ga maminḡaw, sa paglain.

33 N̄gan an m̄ga tawo nakakita sa ira, san ira panakay, n̄gan nakilala siya. san kadam-an; n̄gan nagtirig-ub sin dadlagan n̄gadto, n̄gan nanmaktas tikang sa n̄gatanan n̄ga m̄ga bungto, n̄gan nangabut sin una sa ira.

34 N̄gan, san paggawas, nakita ni Jesus an damu n̄ga katawohan, n̄gan siya nalooy sa ira, kay sugad m̄ga karnerc n̄ga waray magbarantay: n̄gan nagtikaug sa pagpanutdo sa ira sin damu n̄ga m̄ga bagay.

35 N̄gan san kakulop na gud, an iya m̄ga tinon-an nagpahirani sa iya, n̄gan nagsiring: "An lugar maminḡaw, n̄gan kulop na gud;

36 Papanlakta sira, basi magpakadto sa m̄ga kahuronan, n̄gan sa m̄ga bisita sa palibut, n̄gan manguwarta sira sin tinapay; kay waray sira kakaonon."

37 Kundi siya binaton, n̄gan nagsiring sa ira: "Tagi niyo sira sin pagkaon." N̄gan nagsiring sira sa iya: "¿Mapakadto ba kami sa pagkuwarta sin tinapay n̄ga duha ka gatus ka denario,\* n̄gan panhahatagan namon sira sin kakaonon?"

38 N̄gan siya nagsiring sa ira: "¿Pipira an m̄ga tinapay niyo? Pakadto kamo, n̄gan kitaa niyo." N̄gan san ira paghibaroi, nagsiring sira: "Lima, n̄gan sin duha n̄ga isda."

39 N̄gan siya nagsogo sa ira papan̄giling sa banwa n̄ga berde, n̄gan papagpuropondokon.

40 N̄gan nangiling sin binahinbahin sin tinaggatus n̄gan sin tinagkalim-an.

41 N̄gan kinaptan niya an lima n̄ga tinapay, n̄gan an duha

\* Denario, may 0.34 pises konant.

n̄ga isda ; n̄gan san humanḡad sa lanḡit, nagpasalamat sa Dios ; n̄gan ginpinitpinit niya an m̄ga tinapay, n̄gan iginhatag niya sa iya m̄ga tinon-an, basi ibutang sa atubanḡan nira ; n̄gan ginbahinbahin an duha n̄ga isda sa ira n̄gatanan.

42 N̄gan nanḡaon-an n̄gatanan, n̄gan nagkabubusug.

43 N̄gan nakaghimos sira san m̄ga pinit sin napulo kag duha n̄ga singlot n̄ga puno ; n̄gan san m̄ga isda.

44 N̄gan an m̄ga nanḡaon san m̄ga tinapay may ada m̄ga lima ka ribo ka tawo.

*Si Jesus naglakat sa bawbaw san dagat.*

45 N̄gan sa gilayon n̄ga ginlugus niya an iya m̄ga tinon-an sa pagsakay sa sakayan, n̄gan mapakadto sa tabok sa atuba n̄gan sa Betsaida, san napapaŋguli pa siya san m̄ga katawohan.

46 N̄gan san pinapapaŋguli na niya sira, nakadto siya sa bukid sa panḡaraba.

47 N̄gan san naabut na an kakurolpon, dididto an sakayan sa butn̄ga san dagat, n̄gan siya la an sa tuna.

48 N̄gan nakita niya sira, n̄ga nagpipinangaud kay sung-sung nira an han̄gin. N̄gan san may ada ikaupat n̄ga agna san gabi, nakadto siya sa ira, n̄gan naglalakat sa bawbaw san dagat ; n̄gan buut niya sira ligaran.

49 N̄gan sira san paghikiti sa iya, n̄ga naglalakat sa bawbaw san dagat, nakahunahuna sira n̄ga usa n̄ga balo, n̄gan nangugliat sira.

50 Kay sira n̄gatanan nakakita sa iya, n̄gan nagkalilisang. Ug sa gilayon nakighimangraw siya sa ira. n̄gan nagsiring sa ira : " Magkalipay kamo ; ako ini ; diri kamo magkahadluk."

51 N̄gan sinakay siya sa ira sa sakayan, n̄gan inokoy an han̄gin. N̄gan nanhipausa sira sin daku gud, sa sulud sa ira kalugaringon, n̄gan nanhitingala sira.

52 Kay waray sira sumabut san nahatutungud sa m̄ga tinapay ; kay n̄ga magtig-a an ira m̄ga kasingkasing.

53 N̄gan san pakatabok, inabut sira sa tuna sa Genesaret, n̄gan dinoong sira didto.

54 N̄gan san panhawas nira sa sakayan, gilayon nakilala siya san m̄ga katawohan.

55 N̄gan ginlibut nira didto an n̄gatanan n̄ga katutunaan, n̄gan nagtikang sira pagdara sa m̄ga duyan san m̄ga masakit, kon diin nira hibatii n̄ga aadto siya.



56 Ngan bisan diin siya nasulud sa mga bisita, o sa bungto, o sa mga kauunhan, ibinubutang nira an mga masakit sa mga baraligyaan, ngan nagpapakimalooy sira sa iya, nga bisan la masapigaran san sidsid san iya panapton. Ngan an ngatanan nga masapigaran, nagkaluluwas.

*Pagkalitolito nga susumaton san mga katiguranan.*

**7** NGAN, nagtitirok sa iya an mga pariseo, ngan an iba san mga eskriba, nga nangabut tikang sa Jerusalem ;

2 Ngan san nakit-an nira an iba san mga tinon-an niya, nga nakaon sin tinapay nga mahugaw an ira mga kamut, nga ano nga waray sira makapanhunaw, gintamay nira ini.

3 Kay an mga pariseo, ngan an ngatanan nga mga Iudio waray pangon, kondi manhunaw san mga kamut sin maopay, sa pagbantay san litolito nga susumaton san mga katiguranan.

4 Ngan tikang sa baraligyaan waray sira pangon, kon diri makalurup sira ngahaw. ngan may ada iba nga mga butang nga nakawat nira, basi pagbantayan, sa mga panunlub sa mga tagayan, ngan mga daba, ngan san mga garamiton nga tumbaga, ngan san mga higdaan.

5 Niyan nanwakiana sa iya an mga pariseo, ngan an mga eskriba : “?Ano nga waray paggawi an imo mga tinon-an siring san litolito nga susumaton san mga katiguranan, kondi nga nangangaon sira san tinapay sa waray panhunaw san mga kamut?”

6 Ngan binaton siya, ngan nagsiring sa ira : “Igo gud an igintagua ni Isaias sa nahatutungud sa iyo, mga salinkapaw, siring san nasurat na : Ini nga katawohan sa mga imin nagtalahud sa akon, kondi an kasingkasing nira harayo sa akon.

7 Kondi awat la an pagsimba nira sa akon, ngan nanunudo sira san mga pagtoronan, nga mga sogo san mga tawo.

8 Kay san ginbayaan niyo an mga sogo san Dios, gintipigan niyo an mga litolito nga susumaton san mga tawo : an mga panunlub san mga daba, ngan mga tagayan, ngan an iba nga mga damu nga butang, nga sugad sini ginhihimo niyo.”

9 Ngan siya nagsiring sa ira : “Maopay nga ginwara niyo an sogo san Dios, basi kamo magbantay san iyo kalugaringon nga litolito nga susumaton.

10 Kay si Moises nagsiring : Magtabud ka sa imo amay,

nġan sa imo iroy; nġan: An magyakan sin maraut sa amay kon sa iroy, mamatay sa kamatayon

11 Kondi kamo nagsiring: Kon an tawo magsiring sa amay kon sa iroy: Korban, nġa kon sayoron, halud sa Dios, sadton nġatanan nġa sadang ko ikabulig sa imo,

12 Waray niyo tuguti siya paghimo sin ano man tunġud sa iya amay kon sa iya iroy;

13 Sa pagwara san polong san Dios, tunġud san litolito nġa susumaton nġa igintubyan niyo Nġan damu nġa mġa butang nġa sugad sinin ginhiwo niyo."

14 Nġan san pagtawaga niya an bug-osu ġa kadam-an, siniring sa ira: "Pamati kamo nġatanan sa akon, nġan sabuta niyo.

15 Waray sin ano nġa sa gawas san tawo, nġan kon makasulud sa iya, sadang makahugaw sa iya; kondi an mġa nagowa sa iya, sadto amo an makakahugaw san tawo.

16 An may ada mġa talinga sa pamati, mamati."

17 Nġan san pagsulud sa balay tikang sa kadam-an, nagpakiana sa iya mġa tinon-an nahatutunġud san panang-litan.

18 Nġan nagsiring siya sa ira: "Ķ Ano man kamo nġa waray paghunabuna? Ķ Waray niyo masabut, nġa bisan ano nġa sa gawas, nġa makasulud sa tawo, diri sadang makahugaw sa iya?"

19 Kay waray makasulud sa iya kasingkasing, kondi sa tiyan; nġan nahagowa sa tago, nġa ano nakatinlo san nġatanan nġa mġa kinaon."

20 Nġan ginsiring niya: "An nahagowa sa tawo, adto nakakahugaw sa tawo.

21 Kay sa sulud, sa kasingkasing san mġa tawo, nangogowa an mġa maraut nġa mġa hunabuna, an mġa paulibug, an mġa pakighilawas, an mġa pagpatay sin tawo;

22 An mġa panikas, an mġa pagkaimot, an mġa magraut, an panlimbung, an pagkakaalo, an paniplat nġa maraut, an mġa pasipara, an pagpalabilabi, an pagkatuyaw.

23 Ini nġatanan nġa mġa bagay nġa maraut tikang sa sulud, nġan nakakahugaw sira san tawo."

*An babaye nġa Siropenisiahanon.*

24 Nġan tinindug siya, nġan nakadto didto sa mġa gin-katakipan sa Tiro nġan Sidon. Nġan san nakasulud siya sa

usa nga balay, buut niya kunta nga waray tawo nga mahibaro; kondi waray siya makahimo sa pagtago.

25 Kay usa nga babaye, nga an iya bata nga gutiay nga babaye may usa ka espiritu nga mahugaw; ngan sa gilayon nakabati sa nahatutungud sa iya, inabut ngan kinulub sa iya nga tiil.

26 Ngan an babaye nga Gresiahanon, tumanduk sa Siropenisia; ngan nakimalooy sa iya, nga iya pagawason an yawa sa iya anak.

27 Kondi si Jesus nagsiring sa iya: "Pabayae nga magkabubusug anay an mga anak; kay diri maopay nga pagkuba-on an tinapay san mga anak, ngan igpilak sa mga ayam."

28 Kondi siya binaton, ngan nasiring sa iya: "Oo, Ginoo; kay an mga ayam, sa ilarum sa lamesa, nangangaon san mga momo san mga kabataan."

29 Ngan siya nagsiring sa iya: "Tungud sini nga mga polong, lakat ka: ginowa na an yawa sa imo anak."

30 Ngan san paguli niya ngadto sa iya balay, iya nakita nga an yawa ginowa na, ngan iya anak nabigda sa higdaan.

*An pagtambal san usa nga bungul  
ngan ngulu sa Dekapolis.*

31 Ngan napakadto liwat siya sa mga baybayon sa Tiro ngan sa Sidon, ngan inabut sa dagat san Galilea sa butnga san mga baybayon sa Dekapolis.

32 Ngan gindad-an siya sin usa nga bungul ngan ngula, ngan ira siya ginpinakimalooyan, nga iya kamkamon san iya kamut.

33 Ngan gindara siya sa lain san mga katawohan, ngan ginsudlan niya san iya mga tudlo an mga talinga, ngan siya linura, ngan kinamkam niya an dila:

34 Ngan san hinangad siya sa langit, gininhawa, ngan nagsiring sa iya: "Eppata," kon sa aton pa: "Mabukasan ka."

35 Ngan sa gilayon nagkabubuksan an iya mga talinga; ngan nahubaran an iya dila san mga higut, ngan nakayakan na sin maopay.

36 Ngan iya sira gintugon, nga dirim agpanumat bisan kan sin-o. Kondi an labi nga pagtugon niya sa ira, dugang lugud nga iginpapanumat gud nira.

37 Nġan nanbipausa sira sin daku kaopay, nġan nagsiring: "An nġatanan ginhimo niya sin maopay: nagbihimo nġa an mġa bungul makabati, nġan an mġa nġula makayakan."

*An ikaduha nġa pagpadamu san  
mġa tinapay.*

8 SADTO nġa mġa adlaw, san may damu nġa mġa kadam-an, nġan waray sira sadang makaon, iya tinawag sa iya ang iya mġa tiuon-an, nġan sumiring sa ira:

2 "Ako nalolooy san kadam-an, kay sira nagpadayon upud sa akon sin kanan tolo ka adlaw, nġan waray sadang makaon.

3 Nġan kon akon papanġulion sira nġa magpuasa sa ira mġa balay, pamumunawon sira sa dalan; nġan an iba sa ira tikang sa higrayo."

4 Nġan an iya mġa tinon-an binaton sa iya: "ĶTikang diin in usa nġa sadang makasadang sin tinapay sa sini nġa mġa tawo dinhi sa kamingawan nġa lugar?"

5 Nġan siya nagpakiana sa ira: "ĶPipira an iyo mġa tinapay?" Nġan sira siniring: "Pipito."

6 Nġan iya ginsogo an mġa kadam-an, nġa mangiling sa tuna; nġan san pagkuhaa san pipito nġa tinapay, nġan san pakapasalamat, iya ginpinitpinit, nġan ipanbatag sa mġa tinon-an, basi ipamutang sa ira atubangġan; nġan ira ipinamutang sa atubangġan san kadam-an.

7 Nġan sira may ada sin pipira nġa gudtiay nġa mġa isda; nġan san iya kabendisioni sadto, iya iginso, nġa ipamutang ini man sa ira atubangġan.

8 Nġan sira nangġaon, nġan nagkabubusug; nġan ira pinangġaba an mġa pinitpinit, nġa nanhisalin, may pito ka singlot.

9 Nġan sira may ada uupat ka yukot. Nġan iya pinapanguli sira.

*An patubo san mġa pariseo.*

10 Nġan sa kadagmitan san pagsakay sa sakayan upud san iya mġa tinon-an, siya inabut sa mġa bahin sau Dalmanuta.

11 Nġan an mġa pariseo nagkagawas, nġan nagtikang pakigbatonbaton, nġa namimiling sa iya sin usa nġa tigaman nġa tikang sa langit sa pagsulay sa iya.

12 Nġan san paginhawa sin halawig gud sa iya espiritu, siya siniring: "¿ Kay ano ini nġa katulinan nagpipinamiling sin usa nġa tigaman? Matuud, ako nasiring sa iyo, nġa waray tigaman, nġa ihatag sa sini nġa katulinan."

13 Nġan san pagbayai sa ira, siya sinakay liwat, nġan gumikan nġadto sa tabok.

14 Nġan sira nabakalimot pagdara sin tinapay, kondi usa la ka bug-os an ira tinapay sa sakayan.

15 Nġan san iya pagtugona sa ira, siniring: "Paghinay, magmatnġon kamo san ipaturubo san mġa pariseo, uġan ipaturubo ni Herodes."

16 Nġan sira nagpainoino sa usa kag usa: "Kita waray tinapay."

17 Nġan san paghibaro sito ni Jesus, siya siniring sa ira: "¿ Kay ano an iyo pagpainoino tungud nġa waray kamo tinapay? ¿ Waray ba kamo pakatukib, o pakasabut? ¿ Nagmatig-a ba an iyo mġa kasingkasing?"

18 San may ada mġa mata, ¿ diri ba kamo nakita? Nġan san may ada mġa talinga, ¿ diri ba niyo hinunumduman?"

19 San akon pagpinitpinit san lilima nġa tinapay sa lilima ka yukot ¿ pira ba nġa singlot an napuno sang mġa pinit, nġa iyo pinanmorot?" Nġan sira siniring: "Napulo kag duha."

20 "Nġan san pipito nġa tinapay sa uapat ka yukot, ¿ pira ba ka singlot an napuno san mġa pinit, nġa iyo pinanmorot?" Nġan sira siniring: "Pito."

21 Nġan siya siniring sa ira: "¿ Diri pa ba kamo nakakasabut?"

*An pagtambal san buta sa Betsaida.*

22 Nġan sira inabut sa Betsaida; nġan sira nagdara sin usa nġa buta nġada sa iya, nġan nakimalooy, nġa iya kamkamon siya

23 Nġan san pagkapti san kanan buta kamut, iya gindara sa gawas san bisita, nġan paglud-an an iya mġa mata, nġan ibinutang an iya mġa kamut sa iya; nġan siya nagpakiana sa iya: "¿ Nakita ka ba sin bisan ano?"

24 Nġan san paghaġad siya, siniring: "Ako nakita san mġa tawo, kay ako nakita sugad sin nagkakalakat nġa nġa kakabuyan."

25 Niyan iya liwat ibinutang an iya mġa kamut sa iya mġa

mata ; n̄gan siya nagkinulaw, n̄gan natanbal, n̄gan nakakita san n̄gatanan n̄ga m̄ga butang sin matinaw

26 N̄gan iya pinauli siya n̄gado sa iya balay, n̄gan nasiring : “Diri ka gud sumulud sa bisita.”

*An pagtug-an ni Pedro.*

27 N̄gan ni Jesus linakat, n̄gan an iya m̄ga tinon-an n̄gado sa m̄ga bisita sa Sesarea ni Pilipo ; n̄gan sa dalan siya nagpakiana sa iya m̄ga tinon-an, n̄gan nasiring sa ira : “¿Sin-o ba an nasiring san m̄ga tawo, n̄ga amo ako?”

28 N̄gan sira nagsumat sa iya, n̄gan nasiring : “Si Iuan n̄ga Parabaptis ; n̄gan an iba, si Elias ; kondi an iba, usa san m̄ga manaragna.”

29 N̄gan siya nagpakiana sa ira : “Kondi ¿sin-o an nasiring sa iyo, n̄ga amo ako?” Si Pedro binaton, n̄gan siniring : “Ikaw si Kristo.”

30 N̄gan siya nagtugon sa ira, n̄ga diri magsumat sira sa bisan usa sa nabatutungud sa iya.

31 N̄gan siya nagtikang panutdo sa ira, n̄ga an Anak san Tawo kinahanglan n̄ga mag-antus san damu n̄ga m̄ga bagay, n̄gan igsikway san m̄ga katigurang-an, ug san m̄ga puno san m̄ga saserdote, n̄gan san m̄ga eskriba, n̄gan pagpapatayon, n̄gan sa ikatolo ka adlaw wababanhaw.

32 N̄gan siya nagyakan san m̄ga polong sa kadaygan. N̄gan si Pedro kinuha siya, n̄gan nagtikang pagsaway sa iya

33 Kondi siya, san paglingi, n̄gan san pagkita san m̄ga tinon-an, ginsaway niya si Pedro, n̄gan siniring : “Paorhi sa akon, satanas,\* kay diri mo gintitipigan an m̄ga bagay san Dios, kondi an m̄ga bagay san m̄ga tawo.”

*An pagpas-an san iya krus.*

34 N̄gan san pagtawaga san kadam-an n̄gado sa iya upud an iya m̄ga tinon-an, siya siniring sa ira : “Kon may usa n̄ga karuyag sumunud sa akon, magdidiri siya sa iya kalugaripgon, n̄gan pagpapas-anon an iya krus, n̄gan sumunud sa akon.

35 Kay bisan sin-o an maruyag maluwas san iya kinabuhì, nawawara ito ; n̄gan kon sin-o an mawara san iya kinabuhì tungud sa akon, n̄gan tungud san Maopay n̄ga Sumat, naluluwas ito.

\* *Satanas, kaaway.*

36 Kay ǵano an kapulsanan san usa ka tawo, nǵa naga-amkon san bug-os nǵa kalibutan, nǵan mawawara an iya kalag?

37 O ǵano an mahababalyo san usa ka tawo san iya kalag?

38 Kay bisan sin-o an maawud sa akon ug sa akon mǵa polong dinhi sini nǵa katulinan nǵa makihilawason ug makasasala, an Anak san Tawo maaawud man sa iya, kon siya umabut upud san himaya san iya Amay upud an iya mǵa baraan nǵa mǵa sorogoon san Dios."

**9** NǵAN siya siniring sa ira: "Matuud, ako nasiring sa iyo, may ada sa nagkakatudaw dinhi, nǵa diri makakatilaw san kamatayon, tubtub nǵa waray pa sira pakakakita san ginbadian san Dios, nǵa umabut upud an kagambanan."

*An pagbalhin.*

2 Nǵan san katapus san unum ka adlaw, si Jesus iginupud niya si Pedro, ug si Iakobo, nǵan si Iuan; nǵan gindara sira nǵadto sa usa nǵa hataas nǵa bukid lain sa ira nǵahaw, nǵan nagbalhin an iya dagway sa atubangan nira.

3 Nǵan an iya mǵa panapton nagmasilaw, nǵan nagmabusag sin duro, nǵa waray paralaba dinhi sa tuna, nǵa makakapabusag.

4 Nǵan didto napakita sa ira si Elias upud si Moises; nǵan sira nakikighinangraw kan Jesus.

5 Nǵan si Pedro, san pagbaton, siniring kan Jesus: "Rabi, maopay ito nǵa mapabilin kita dinhi, nǵan paghuno kita sin tolo nǵa mǵa payag: usa sa imo, ug usa kan Moises, ug usa kan Elias."

6 Kay siya waray hibabaro kon ano an ibabaton; kay sira nagkahadluk sin duro.

7 Nǵan inabut an usa nǵa dampug nǵa linambong sa ira; nǵan inabut in usa nǵa tingug tikang sau dampug, nǵan nasiring: "Ini an akon Anak nǵa hinigugma; pamatii niyo siya."

8 Nǵan sa gilayon san panginano, waray sira nakita nǵa usa nǵa upud nira, kondi si Jesus la.

9 Nǵan san nagtitilusok tikang sa bukid, iya gintugon sira, nǵa diri sira magsumat sa bisan usa san ira nakita, tubtub san kabanhaw san Anak san Tawo tikang sa mǵa minatay.

10 Nǵan ira gintipigan an iginsiring sa ira, sa ira la nǵahaw, nǵan nagpinakianahay, kon ano an kabanhaw tikang sa mǵa minatay.

11 Nġan sira nagpinakiana sa iya, nġan nasiring: "¿ Ano ito an nasiring an mġa eskriba, nġa makanhi siahan si Elias?"

12 Nġan siya siniring sa ira: "Matund, si Elias makanhi siahan, nġan pahaulion an nġatanan nġa mġa butang; nġan ¿ kon ano an iginsurat sa nahatutunġud san Anak san Tawo, nġa siya kinahanglan mag-antus sin damu nġa mġa bagay ug pagtatamayon?"

13 Kondi ako nasiring sa iyo, nġa si Elias nakanhi na, ug sira nagbuhat sa iya kon ano an ira karuyag, sugad san nahasurat nahatutunġud sa iya."

*An olitawo nġa toloson.*

14 Nġan san pag-abut sa mġa tinon-an, sira kinita sin damu nġa kadam-an sa palibut nira, nġan an mġa eskriba nakigbatonbaton sa ira.

15 Nġan sa kadagmitan an nġatanan nġa kadam-an, san pakakita sa iya, daku an panhipausa nira; nġan san panadlagan sira sa iya, sira nangomusta sa iya.

16 Nġan siya nagpakiana sa ira: "¿ Ano an iyo ginbaba-tonbatonan sa ira?"

17 Nġan an usa san mġa kadam-an binaton sa iyai "Magtrrutdo, akon gindara an akon anak nġa lalaki nġanh: sa imo, nġa may ada nġula nġa espiritu;

18 Nġan bisan diin niya hidakpi, pinapakurug niya siya; nġan siya nagbububura, nġan nagnġingigut, nġan nagasa siya. Nġan ako nagyakan sa imo mġa tinon-an, nġa ira pagawason, kondi sira waray pakakahimo."

19 Nġan siya binaton, nġan siniring sa ira: "Oh, waray pagtoo nġa katulinan." ¿ Tubtub san-o an akon pag-upudupud sa iyo? ¿ Tubtub san-o an akon pag-antus sa iyo? Dad-a siya nġanhi sa akon."

20 Nġan ira gindara siya nġadto sa iya; nġan san pakakita kan Jesus, sa kadagmitan an espiritu ginpakurug siya gud; nġan san katumba sa tuna, nagkisikisi siya, nġan nagbubura.

21 Nġan siya nagpakiana sa iya amay: "¿ Maiha na ba nġa panahon tikang ini nahobolog sa iya?" Nġan siya siniring: "Tikang pa sa kabata;

22 Nġan aġsub nġa siya ilinalabug nġadto sa kalayo, ug nġadto man sa tubig, sa pagtaktak sa iya; kondi kon ikaw makakahimo sin bisan ano, kalooyi kami ug tabanġi."



23 Nġan si Jesus siniring sa iya "Ķ Kon ikaw makakahi mo! Sa nagtotoo an nġatanan nġa bagay, nahihimo.

24 Nġan sa kadagmitan an amay san bata, nagsingit nġan siniring: "Ako natoo, tabanġan mo an akou diri pag-kamatinoohon."

25 Nġan si Jesus, san pakakita, nġa au kadam-an nag-durunġan pagdadlagan, ginsaway an mahugaw nġa espiritu, nġan nasiring sa iya: "Bunġul ug nġula nġa espiritu, ako nagsosogo sa imo, nġa gumawas ka tikang sa iya, nġan diri ka na sumulud sa iya."

26 Nġan san pagsingit, nġan san pagkurugan sa iya sin duro, ginawas an *espiritu*. Nġan an bata nahimo nġa sugad san usa nġa minatay, sa sugad sini an kadam-an nagsiring: "Siya patay na."

27 Kondi si Jesus, san pagkapti san iya kamut, iya ginbanġon siya, nġan siya tinukdaw.

28 Nġan si Jesus, san pagsulud san balay, an iya mġa tinon-an nagpakiana sa iya sin pinid: "Ķ Kay ano an amon diri pakapagawas sa iya?"

29 Nġan siya siniring sa ira: "Ini nġa bagay diri mag-awas sa tunġud sin bisan ano, kondi tunġud sa pangaraba."

*An gidadakui sa ginhadian san lanġit.*

30 Nġan san paglakat tikang dinhi, sira nag-agi sa Galilea; nġan siya diri karuyag, nġa may usa nġa mahabaro.

31 Kay siya nagtutudto san iya mġa tinou-an, nġan nasiring sa ira: "An Anak san Tawo igtutubyan nġadto sa mġa kamut san mġa tawo, nġan ira papatayon siya; nġan san kamatay, sa ikatolo ka adlaw, siya mababanhaw."

32 Kondi sira waray makasabut san iya isiuring, nġan sira nagkabadluk pagpakiana sa iya.

33 Nġan sira inabut sa Kapernaum; nġan san nakadto sira san balay, siya nagpakiana sa ira: "Ķ Ano an iyo ginlalarisan sa dalan?"

34 Kondi sira nanmoot; kay sira naglinarisay sa usa kag usa sa dalan, kon sin-o an gidadakui.

35 Nġan san paglingkod, iya tinawag an nanapulo kag duha, nġan sumiring sa ira: "Kon sin-o an karuyag magin-siahan, siya magiginkatapusan san uġatanan, ug sorogoon san nġatanan"

36 Nġan kinuha siya sin usa nġa bata, nġan iya ibutang sa butnġa nira ; nġan san pagkugos niya, siya siniring sa ira :

37 " Kon sin-o an kumarawat sini nġa bata sa akon nġaran, kumarawat sa akon ; nġan kon sin-o an kumarawat sa akon, diri nakarawat sa akon, kundi an uagsogo sa akon."

*An diri patok sa aton, tunġud kay aton siya.*

38 Nġan si Inan siniring sa iya : " Magturutdo, kami nakakita sin usa nġa nagpapagawas sin mġa yawa sa imo nġaran ; nġan amon gindid-an siya ; kay siya diri nasunud sa aton."

39 Kundi si Jesus siniring : " Ayaw niyo pagdid-i siya, kay waray usa nġa nagbubuhat sin gahum sa akon nġaran, nġan sa kadagmitan nakakagyakan sin maraut sa akon.

40 Kay an diri patok sa aton, tunġud kay sa aton siya-

41 Kay bisan sin-o aum apainum sa iyo sin usa nġa tagayan nġa tubig sa akon nġaran, kay kamo kan Kristo, matund, ako nasiring sa iyo, nġa diri gud mawawara an iya balus."

*Mġa katigayonan sa paghipakdol.*

42 " Nġan bisan sin-o an mahapakdol sa usa sa sini nġa mġa gudtiay, nġa nagtotoo, maoropay sa iya kon daku nġa gilingan in bitayon sa iya liog, nġan ilabug nġadto sa dagat

43 Nġan kon an iyo kamut nakakagpatigayon san paghipakdol, utda : maopay sa iyo an pagsulud sa kinabuhi nġa pinkaw, sa may ada duduha nġa kamut pagkadto ka sa inpierno, sa kalayo nġa diri mapaparong ;

44 Nġa didto an ulud nira waray pagkamamatay, nġan an kalayo waray pagkaparong.

45 Nġan kon an iyo tiil nakakagpatigayon sa iyo san paghipakdol, utda : maopay sa iyo an pagsulud sa kinabuhi nġa piang, sa may ada duduha nġa tiil, nġa ilabug sa inpierno, sa kalayo nġa waray pagkaparong ;

46 Nġa didto an ulud nira waray pagkamamatay, nġan an kalayo waray pagkaparong.

47 Nġan kon an imo mata nakakapatigayon sa imo san paghipakdol, panlukata : maopay sa imo pagsulud sa gin-hadian san Dios nġa uusa an mata, sa may ada duduha nġa mata, nġa ilalabug nġadto sa inpierno san kalayo ;

48 Nġa didto an ulud nira waray pagkamamatay, nġan an kalayo waray pagkaparong.

49 Kay an tagsatagsa pagaasinan san kalayo, nğan an tagsatagsa nğa mğa halad pagaasinan san asin.

50 Maopay an asin; kondi kon an asin magmatab-ang, ano an makakapagasin sito? May ada asin sa iyo nğahaw, nğan makigmurayaw an usa kag usa sa iyo.

*An pagbulag sán magtiayon.*

**10** NĠAN, san pagkabuhat tikang dinhi, siya inabut sa mğa ginkatakipan san Iudea nğan sa unhan san Iordan. Nğan an mğa kadam-an nagtitirok liwat sa iya. Nğan sugad san iya batasan, siya nagtutdo liwat sa ira.

2 Nğan an mğa pariseo san pagharani sa iya, nanmakiana sa pagsulay sa iya: “Anğay ba sa Kasogoan sa usa nğa tawo nğa bumulag san iya asawa?”

3 Nğan siya binaton, nğan siniring sa ira: “Ano ba an iginsogo ni Moises sa iyo?”

4 Nğan sira siniring: “Si Moises natugut pagsurat sin usa nğa surat sa pagbulagan, nğan bayaan siya.”

5 Kondi si Jesus siniring sa ira: “Tunğud san katig-ahan san iyo kasingkasing siya nagsurat sini nğa sogo sa iyo.

6 Kondi sa tikang san tinikanğan sa pagbuhat, lalaki ug babaye ginhimo sira *san Dios*.

7 Kay tunğud sini an tawo binabayaan an iya amay, ug an iya iroy, nğan tumampo san iya asawa,

8 Nğan an duduha maggigin-usa nğa unud la. Busa sira diri na duduha, kondi usa la nğa unud.

9 Busa an giutig-ub san Dios, diri pagbulagon san tawo.”

10 Nğan sa balay an mğa tinon-an nagpakiana liwat sa iya sa nahatutunğud sini.

11 Nğan siya siniring sa ira: “Bisan sin-o an nabulag san iya asawa, nğan mangasawa sin iba, nakakagbuhat sin panlibog patok sa iya.

12 Nğan kon an usa nğa babaye bayaan an iya asawa nğa lalaki, nğan mangasawa sin iba, siya nakakagbuhat sin panlibog.”

*Si Jesus nagbibenaision san mğa kabataan.*

13 Nğan sira nananara sin mğa kabataan nğadto sa iya, basi kamkamon niya sira; nğan an mğa tinon-an ginsaway sira.

14 Kondi san pakakita sito ni Jesus, nasina siya, nğan siniring sa ira: "Tuguti an mğa kabataan pagkadi sa akon, nğan ayaw sira pagdid-i, kay an ginhadian san Dios sa mğa sugad sa ira.

15 Matuud, ako nasiring sa iyo, nğa bisan sin-o an diri kumarawat san ginhadian sa langit sugad san usa nğa bata, diri gud makakasulud didto.

16 Nğan san iya pangogusa, iya pinaubendisionan sira, nğan inamutang an iya mğa kamut sa ira.

*An olitawo nğa mangaranon.*

17 Nğan san naghiliuakat siya sa dalan, dinalagan an usa sa iya, nğan linohod sa iya atubangan, nğan napakiana sa iya: "Maopay nğa Magturutdo, ano an akon bubuhaton nğa makapanunud ako san kinabuhi nğa waray katapusan?"

18 Nğan si Jesus siniring sa iya: "Kay ano an pagtawaga mo sa akon nğa maopay? Waray usa nğa maopay, kondi usa la, an Dios.

19 Maaram ka san mğa sogo: Diri ka magpatay; diri ka manlibog; diri ka mangawat; diri ka magsaksi san bowa; diri ka manlimbong; tahoron mo an imo amay, ug an imo iroy."

20 Nğan siya siniring sa iya: "Magturutdo, nğatanan ini nğa mğa bagay akon binabantayan tikang san akon pagkabata."

21 Nğan si Jesus, san pagkulaw sa iya, hinigugma siya, nğan siniring sa iya: "Usa nğa bagay an kinahanglan sa imo: lakat, ibaligya an nğatanan nğa imo, nğan ipanhatag sa mğa kablas, nğan ikaw may maada mangad sa langit; nğan kadi, sunud sa akon"

22 Kondi san paghiusbo sini nğa polong, siya binulag nğa masarub-on, kay siya usa san damu nğa mğa kalugaringon.

23 Nğan san panginano, si Jesus siniring sa iya mğa tinonan: "Sa ano nğa kakurian sa nğa mangarar an pagsulud san ginhadian san Dios!"

24 Nğan an mğa tinon-an nanhipausa san iya mğa polong Kondi si Jesus, san pagbaton liwat, siniring sa ira: "Mğa kabataan: daw ano ka makuri an pagsulud sa ginhadian san Dios sadton mğa nagsasarig sa mğa mangad!"

25 Ito masarosayon pa sa usa nğa kamelyo pag-agi sa tarotalinga san dagum, sa mangaran pagsulud sa ginhadian san Dios.

26 Nḡan sira nanhipausa gud sin duro, nḡan siniring sa iya :  
 “Nḡan ꞑ sin-o ba an sadang makaluwas?”

27 Nḡan si Jesus kinulaw nḡadto sa ira, nḡan siniring :  
 “Sa mḡa tawo diri mahihimo, kondi sa Dios mahimo ; kay  
 nḡatanan nḡa mḡa bagay nahihimo sa Dios.”

28 Nḡan si Pedro nagtikang pagsiring sa iya : “Kitaa,  
 pinamayaan namon an nḡatanan, nḡan nasunud sa imo.”

29 Si Jesus siniring : “Matuud, ako nasiring sa iyo, nḡa  
 waray usa nḡa mabaya san iya balay, o mḡa kabugtoan nḡa  
 kalalakinan, o mḡa kabugtoan nḡa kababaynan, o iroy, o  
 amay, o mḡa anak, o mḡa kaomhan, tungud sa akon, ug  
 tungud san Maopay nḡa Sunat,

30 Nḡa diri siya makarawat sa sini nḡa panahon sin usa  
 ka gatus ka pilo sa mḡa kabalayan, nḡan mḡa kabugtoan nḡa  
 kalalakinan, ug mḡa kabugtoan nḡa kababaynan, ug mḡa  
 iroy, ug mḡa anak, ug mḡa kaomhan upud sa mḡa pamokod,  
 nḡan sa panahon nḡa tiabut an kinabuhi nḡa waray  
 katapusan.

31 Kondi damu nḡa siahan nḡa magiginkatapusan, nḡan  
 mḡa katapusan, nḡa nagiginsiahan.”

*An panḡaro san mḡa anak ni Sebedeo.*

32 Nḡan san nasa dalan sira tisaka sa Ierusalem, si Jesus  
 naguuna sa ira ; nḡan sira nanhihipausa, nḡan an mḡa  
 manununud sa iya, nagkakahadluk. Nḡan iya kinuba liwat  
 an nanapulo kag duba, nḡan nagtikang siya pagsumat sa ira  
 san mḡa bagay, nḡa mahananabu sa iya :

33 “Kitaa, tisaka kita sa Ierusalem, nḡan an Anak san  
 Tawo igtutubyan sa mḡa puno san mḡa saserdote, ug mḡa  
 eskriba, nḡan ira siya paghubukman sa kamatayon, nḡan  
 igtutubyan siya sa mḡa hentil ;

34 Nḡan pagyuyubitan siya nira, ug paglulud-an siya ; nḡan  
 papatayon siya, nḡan sa ikatolo ka adlaw mababanhaw.”

35 Nḡan si Iakobo ug si Iuan, nḡa anak ni Sebedeo,  
 dinaraon sa iya, nḡan nasiring sa iya : “Magturutdo, kami  
 karuyag, nḡa imo bubuhaton sa amon kon ano an amon  
 pangangaroon.”

36 Nḡan siya siniring sa ira : “ꞑ Ano an iyo karuyag, nḡa  
 akon bubuhaton sa iyo?”

37 Nḡan sira siniring sa ira : “Tuguti kami, nḡa kami

lumingkod an usa sa imo too, ug an usa sa imo wala sa imo kahimayaan."

38 Kondi si Jesus siniring sa ira: "Diri kamo maaram, kon ano an iyo pinangangaro. ¿Makakahimo ba kamo paginum san tagayan, nga akon iniinum, o mapabaptis san pagbaptis, nga iginbaptis sa akon?"

39 Ngan sira siniring sa iya: "Kami makakahimo." Ngan si Jesus siniring sa ira: "An tagayan nga akon iniinman, makakainum kamo, ngan an pagbaptis, nga iginbaptis sa akon, mababaptisan kamo;

40 Kondi an paglingkod sa akon too, o sa akon wala, diri sa akon paghatag, kondi sadton ginaandaman."

41 Ngan an napulo, san pagkabati, nagtikang kasina kan Jakobo ug kan Luan.

42 Ngan si Jesus gintawag sira ngadto sa iya, ngan nasiring sa ira: "Maaram kamo nga sadto nga mga hunahuna pagbuut sa mga hentil, nagpapakaagaron sa ira; ngan an ira mga kadagkuan nagamit sin kagamhanan sa ira.

43 Kondi diri ini amo sa iyo; kondi kon sin-o an karnyag nga magindaku sa iyo, maaamo an iyo paramangno.

44 Ngan kon sin-o an karuyag maginsiahan sa iyo, maaamo an sorogoon san ngatanan.

45 Kay bisan gud an Anak san Tawo waray kumanhi basi pagaalagdon, kondi sa pagmangno, ngan paghatag san iya kinabuhi nga lukat san kadam-an.

### *An buta sa Ieriko.*

46 Ngan sira inabut sa Ieriko; ngan san nagtitigowa siya sa Ieriko upud an iya mga tinon-an, ngan sin damu nga kadam-an, an anak ni Timeo, nga si Bartimeo, buta nga makililimos, naglilingkod sa ligid san dalan.

47 Ngan san pakabati, nga ito si Jesus nga Nasareton, siya nagtikang pagsingit, ngan nasiring: "¿Anak ni Dabid, Jesus! Malooy ka sa akon."

48 Ngan damu an magsaway sa iya, nga siya magmingaw. Kondi siya nagginuliat pa gud: "¿Anak ni Dabid! Malooy ka sa akon."

49 Ngan san pagtorook, si Jesus siniring: "¿Tawaga siya!" Ngan ira gintawag an buta, ngan nasiring sa iya: "Magsarig ka; buhat; iya gintatawag ka."

50 Nġan san paglabugan san iya kurugpus, binunkaras, nġan dinaup kan Jesus.

51 Nġan si Jesus, san pagbaton sa iya, siniring: "¿Ano an imo karuyag, nġa akon bubuhaon sa imo?" Nġan an buta siniring: "Rabuni, nġa ako kumarawat sin pagkita."

52 Nġan si Jesus siniring sa iya: "Lakat ka; au imo pagtoo ginluwas ka" Nġan sa kadagmitan siya nakakarawat sin pakita, nġan sinunud kan Jesus sa dalan.

*Ang mananaug nġa pagsulud ni Jesus sa Ierusalem.*

**11** NġAN, san nagtitikabarani sira sa Ierusalem, nġadto sa Betpage, ug Betania, sa harani san Bukid san Olibo, iya ginsogo an duha san iya mġa tinon-an;

2 Nġan siya siniring sa ira: "Lakat kamo nġadto sa bisita, nġa iyo atubangan, nġan sa kadagmitan siton iyo pagsulud, makakaagi kamo sin usa nġa polyino, nġa ibinigut, nġa waray pa kasakye sin tawo. Hubara niyo, nġan dad-a siya *dinh*."

3 Nġan kon may usa nġa magsiring sa iyo: "¿Kay ano an iyo pagbuhata sini? suniring kamo: An Ginoo nagkikinahanglan sini; nġan sa kadagmitan iya ipapadara siya nġanhi."

4 Nġan sira nagkalakat, nġan hinagian an polyino nġa nahihigut harani san gangbaan sa gawas, sa dalan, nġan ira ginhubad siya.

5 Nġan an iba san nagkakatukdaw didto siniring sa ira: "¿Ano an pagbuhat niyo paghubad san polyino?"

6 Nġan sira siniring sa ira, sugad gud san isiniring ni Jesus sa ira; nġan ira pinabayan sira.

7 Nġan ira gindara an polyino; ġadto kan Jesus, nġan ira igintabon an ira mġa panapton; nġan siya sumakay sa iya.

8 Nġan damu an nanmimitad san ira mġa panapton sa dalan; nġan an iba, mġa parungpung nġa pinangutud sa kapatagan.

9 Nġan an nangunguna, nġan an mġa nasunud nagsisingit: "¡Hosana!\* ; Darayawon an nakanhi sa nġaran san Ginoo!

10 ; Darayawon an ginhadian, nġa tiarabut, ni Dabid nġa aton amay! ; Hosana sa Gihatataasi!"

11 Nġan siya sinulud sa Ierusalem, nġadto sa simbahan; nġan san pagġinano san nġatanan nġa mġa butang, nġan kay

\* Hosana, himaya

kolop na, siya ginawas ngadto sa Betania upud an nanapulo kag duha.

*An laya nga igera; an paghawan san simbahan.*

12 Ngan san pagkabuwas, san ira paggawas tikang sa Betania, siya ginugutum.

13 Ngan san pakakita sin usa nga igera sa hirayo; nga may mga dahon, siya dinaup, bangin pa siya makaagi sin bisan ano didto. Ngan san pag-abut, waray siya may hinagian, kondi mga dahon; kay diri pa panahon san mga igos.

14 Ngan san pagbaton, siya siniring sito: "Waray usa nga makaon san bunga nimo, tubtub sa kagihaponan." Ngan an iya mga tinon-an nagpakabati sini.

15 Ngan sira inabut sa Ierusalem; ngan sa pagsulud sa simbahan, siya nagtikang panlabug san nanmamaligya ug nanmamalit sa simbahan, ngan pinanmalipong an mga lamesa san mga magbaralyo san kuwarta. ngan an mga lingkoran san nanmamaligya san mga sarapati;

16 Ngan siya waray tumugut, nga may usa nga magdara sin garamiton sa simbahan.

17 Ngan san iya pagtutdo, siya siniring sa ira: "¿ Waray ba hisurat: An akon balay, pagngangaranan nga balay san pangaraba san ngatanan nga mga katawohan? Kondi kamo iyo ginhihimo nga lungib san mga tikasan."

18 Ngan an mga puno san mga saserdote ug mga eskriba nakabati sini; ngan nagpinamiling sira, kon onan-on an ira pagtaktak sa iya; kay sira nahadluk sa iya, kay an bug-os nga kadam-an nanhihipausa san iya pagtutdo.

19 Ngan san pagkakolop, sira nangawas sa bungto.

20 Ngan san pag-agi nira san sunud nga aga, ira hinkitan an igera nga nauga tikang sa gamut.

21 Ngan si Pedro, san paghinumdum, siniring sa iya: "Rabi, kitaa, an igera, nga imo ipinanarangin, nauga."

22 Ngan si Jesus, san pagbaton, siniring sa ira. "Magtoo kamo sa Dios.

23 Matuud, ako nasiring sa iyo nga bisan sin-o an magyakan sini nga bukid: Umiwas ka ug mahalabog ngadto sa dagat; ngan diri pagduhaduhaan sa iya kasingkasing, kondi magtoo, nga an isiniring mahananabu iya inaiiya.

24 Tungud sini ako nasiring sa iyo: An ngatanan nga



mga butang, nga iyo pangangarabahon, ug pangangamayahon, magtoo, nga kamo makarawat sa ira, nga iyo sira maiyo.

25 Ngan bisan kon san o kamo natukdaw pangaraba, kon may ada niyo gutiay patok sa iba, pasayloon niyo; basi an iyo Amay man nga aadto sa langit magpasaylo sa iyo san iyo pagtalapas.\*

*An pagbaptis ni Iuan.*

27 Ngan sira sinulud liwat sa Ierusalem; nga san nagtisisulud siya ngadto sa simbahan, an mga puho san mga saserdote, ug mga eskriba, nga mga katiguranghan, dinaup sa iya.

28 Ngan siniring sira sa iya: "¿Tungud sa ano nga kagamhanan an imo pagbuhat sini nga mga bagay? O ¿sin-o an naghatag sa imo sin gahum papagbuhat sini nga mga bagay?"

29 Ngan si Jesus siniring sa ira: "Ako mapakiana man sa iyo sin usa nga polong, nga batona ako; nga akon ko kamo pagsusumatan, nga tungud sa ano nga gahum an pagbuhat ko sini nga mga bagay:

30 An pagbaptis ni Iuan, ¿tikang ba sa langit o tikang sa mga tawo? Batuna ako."

31 Ngan sira nagpainoino sa ira la ngahaw, nga nasiring: "Kon kita sumiring: Tikang sa langit, siya masiring: ¿Kay ano man nga diri kamo natoo sa akon?"

32 Kondi kon magsiring kita: "Tikang sa mga tawo," sira nagkakahadluk sa mga tawo; kay an ngatanan giupapakamatud, nga si Iuan totoo nga manaragna.

33 Ngan san pagbaton, sira siniring kan Jesus: "Waray kami hibaro." Ngan si Jesus siniring sa ira: "Bisan ako diri makakagsumat, tungud sa ano nga kagamhanan an akon pagbuhat sini nga mga bagay."

*Pananglitan san mga maraut  
nga paraoma.*

**12** NGAN siya nagtikang pagyakan sa ira sa pananglitan: "Usa ka tawo nagtanum sin usa nga urubasan, nga

\* Damu nga mga daan gud nga mga Sulat bagdudugang:—

26 Kondi kon kamo diri magpasaylo, an inyo Amay nga aadto sa langit, diri man magpapasaylo san iyo nga pagtalapas."

ginpalibutan niya sin kudal, nğan nagpaukab sin usa nğa pil-ihan, nğan magtindug sin usa nğa torre, ug pina-pag-kitakitaan sa pira ka paraoma, nğan lumakat sa iba nğa tuna.

2 Nğan sa panahon na, siya nagsogo sin usa nğa uripon nğadto sa paraoma, basi siya kumarawat san mğa bunga san urubasan tikang sa mğa paraoma

3 Nğan gindakup siya nira, nğan ginbampak siya, nğan pinauli siya, nğa waray dara.

4 Nğan nagsogo liwat siya sin usa nğa uripon, nğan ginsamad siya nira sa olo, nğan ginpakaaluhan pa siya.

5 Nğan siya nagsogo liwat sin usa, nğan ira ginpatay siya; nğan damu pa an iba, nğa pinanbampak, ug an iba pinanmatay.

6 Nğan siya may ada pa bugtong nğa hinigugina nğa anak, nğan iya ginsogo siya nğadto sa ira, nğan nasiring: Pagtatahoron nira an akon anak.

7 Kondi an mğa paraoma siniring sa ira la nğahaw: Ini amo an manoronod; kadi, pataya ta siya, basi an sorondanon magmaaton.

8 Nğan san pagdakpa, ira pinatay siya, ug ilabog nira sa gawas san urubasan.

9 Busa, amo an pagbubuhaton san tag-iya san urubasan? Siya makanhi, nğan panwawad-on an mğa paraoma, nğan ihahatag an urubasan sa iba.

10 ¿ Waray ba gud niyo kabasa ini nğa Santos nğa Surat: An bato nğa aginsikway san mğa magtirindug, ini nagigin-pangolo san eskina:

11 Ini tinikang sa Ginoo, nğan nahapapausahan san aton mğa mata?"

12 Nğan ira ginbibiniling pagidarakup sa iya; kondi sira nagkakahadluk san kadam-an; kay sira nahabaro, nğa siya nagyakan san pananglitan patok sa ira. Nğan san pagbayai sa iya, sira nanmulag.

*An nahatutunqud sa buhis.*

13 Nğan sira nagsogo nğadto sa iya sin pira nğa mğa pariseo ug mğa Herodihanon, basi sira magbitik sa iya sa usa nğa polong.

14 Nğan san pag-abut, sira siniring sa iya: "Magturutdo, kami maaratu nğa ikaw totoo, nğan waray ginagapilan bisan

**usa.** Kay ikaw diri nagkikita sa bayhon san mga tawo, **kondi** nagtututdo ka san dalan san Dios sa kamatooran. ¿Igo **ba** sa Kasogo-an an paghatag san buhis ngadto kan Sesar, o **diri**? ¿Mahatag ba kami, o diri mahatag kami?"

15 Kondi siya san paghibaro san ira pagkasalingkapaw, siniring sa ira: "¿Ano an iyo pagsulaya sa akon? Dad-i ako **sin** usa ka denario, basi ko makita ito?"

16 Ngan sira nagdara Ngan siya siniring sa ira: "¿Kan **kanay** ini dagway, ug ini nga surat?" Ngan sira siniring sa iya: "Kau Sesar."

17 Ngan si Jesus siniring sa ira: "Ihatag kan Sesar an mga butang ni Sesar, ngan sa Dios, an kanan Dios." Ngan sira nanhipausa gud sa iya.

*An mga saduseo, ug an pagkabanhaw.*

18 Ngan inabut sa iya an mga saduseo, nga nasiring nga waray pagkabanhaw; ngan sira pinakiana sa iya, ngan nasiring:

19 "Magtututdo, si Moises nagsurat sa amon: Kon may tawo nga bugto nga lalaki san namatay, ngan bayaan an iya asawa, nga waray anak, an iya bugto maasawa san iya asawa, ngan pagtindug san katulinan san iya bugto.

20 May ada pipito nga magburugto nga kalalakinan, ngan an siaban nangasawa, ngan namatay nga waray katulinan.

21 Ngan an ikaduha pinangasawa siya, ngan namatay nga waray man kaliwatan; ngan an ikatolo sugad man.

22 Ngan an pito waray magbilin sin katulinan. Sa katapus san ngatanan an babaye namatay man.

23 Busa sa pagkabanhaw, ¿masisin-o man an asawa niya sa ira? Kay an pito nagingasawa niya."

24 Si Jesus siniring sa ira: "Diri ba tungud sini an iyo pagsayup, kay kamo diri maaram san Santos nga Surat, bisan an gahum san Dios?"

25 Kay kon sira magkabanhaw tikang sa mga minatay, diri sira mangangasawa, bisan pagpaasawa, kondi sugad sira san mga sorogoon san Dios sa mga langit.

26 Kondi an nahatutungud san mga minatay, nga sira mababanhaw, ¿waray ba niyo kabasa sa Basahan ni Moises, kon ano an iginyakan sa iya san Dios didto sa kasapinitan, ngan nasiring: Ako an Dios ni Abraham, ug an Dios ni Isaak, ug an Dios ni Iakob?"

27 Siya diri Dios san n̄ga minatay, kondi sa m̄ga buhi: busa ginsasaypan niyo sin daku."

*An daku gud n̄ga sogo.*

28 N̄gan usa san m̄ga eskriba napahirani sa iya, n̄ga hinbatian sira, n̄ga nagbabatonbaton; n̄gan san paghibaro n̄ga siya binaton sa ira sin maopay, napakiana sa iya: "¿Ano ba n̄ga sogo an siahan sa n̄gatanan?"

29 N̄gan si Jesus binaton: "An siahan: Pamati, oh Israel, an Ginoo amo an Dios naton, an Ginoo usa la;

30 N̄gan higugmaon mo an imo Ginoo n̄ga Dios sa bug-os mo n̄ga kasingkasing, ug sa bug-os mo n̄ga kalag, ug sa bug-os mo n̄ga hunahuna, ug sa bug-os mo n̄ga kusug.

31 N̄gan an ikaduha amo ini: Higugmaon mo an imo igkasitawo sugad sa imo n̄gahaw. Waray iba n̄ga sogo n̄ga darodaku sini."

32 N̄gan an eskriba siniring sa iya: "Magturutdo, matuud gud n̄ga ikaw siniring sin maopay n̄ga siya uusa la, n̄gan waray iba gawas sa iya.

33 N̄gan an paghigugma sa iya sa bug-os n̄ga kasingkasing, ug sa bug-os n̄ga hunahuna, ug sa bug-os n̄ga kalag, ug sa bug-os n̄ga kusug; n̄gan an paghigugma san igkasitawo, sugad sa iya n̄gahaw, darodaku san n̄gatanan n̄ga m̄ga halad n̄ga sinunug, n̄gan sa m̄ga halad."

34 N̄gan si Jesus, san pakakilala, n̄ga siya binaton sin mag-aramon, siniring sa iya: "Ikaw diri harayo san ginbadian san Dios." N̄gan waray usa n̄ga nangahas pa pagpakiana sa iya.

*Si Kristo n̄ga anak ni Dabid.*

35 N̄gan si Jesus, san pagbaton, siniring, san nanunutdo siya sa simbahan: "¿Ano an pagsiring san m̄ga eskriba, n̄ga si Kristo anak ni Dabid?"

36 Kay si Dabid n̄gahaw siniring tungud sa Espiritu Santo: An Ginoo siniring sa akon Ginoo: lingkod sa akon too tubtub san akon ipahamtang an imo n̄ga kaaway sa ilarum san imo m̄ga tiil.

37 Si Dabid n̄gahaw tinawag sa iya n̄ga Ginoo; niyan ¿sa diin n̄ga anak niya siya?" N̄gan an daku n̄ga kadam-an namati sa iya sin malipayon gud.

*An pagsaway sa mġa eskriba.*

38 Nġan sa iya pagtutdo, siya siniring: "Magmatnġon kamo sa mġa eskriba, nġa karuyag maglakat, nġa may mġa panapton nġa haglaba, nġan karuyag san mġa pangomusta sa mġa baraligyaan,

39 Nġan san siahan nġa mġa lingkoran sa mġa sinagoga, nġan san siahan nġa mġa lugar sa mġa piesta;

40 Nġa ginlalamay an mġa balay san mġa balo nġa kababaynan, nġan, sa usa nġa pagpasangilan, nagbubuhat sira sin haglaba nġa mġa pangadion; ini makakarawat sin darodaku nġa hukom sin sirot."

*An halad san kablas nġa balo nġa babaye.*

41 Nġan san paglingkod sa atubangġan san bahandi, siya nakakita kon ano an pagholog san kadam-an sin kuwarta nġadto sa bahandi, nġan damu nġa mġa mangaran, nġa nagholog sin damu.

42 Nġan inabut in usa nġa kablas nġa balo nġa babaye, nġan hinolog sin duha ka lepta,\* nġa amo an usa nġa kuadrante.

43 Nġan san pagtawaga san iyo mġa tinon-an, siya siniring sa ira: "Matuud, ako nasiring sa iyo, nġa ini nġa kablas nġa balo nġa babaye, hinolog sin darodamu san uġatanan, nġa naghoholog nġadto sa bahandi.

44 Kay sira nġatanan nagholog sin labaw san ira kahimtang, kondi siya nagholog sa nġatanan niya, nġatanan nġa iya ginpakabuhian.

*An wali san pagkamanaragna: an tinikanġan san mġa kasakitan.*

**13** NġAN san tigawas siya tikang sa simbahan, usa san iya mġa tinon-an siniring sa iya: "Magtutdo, kita kon ano nġa mġa bato ug mġa tinukud."

2 Nġan si Jesus siniring sa iya: "Ķ Nakita ka sini nġa dagku nġa mġa tinindug? Waray mahabibilin dinhi nġa usa nġa bato sa bawbaw san usa nġa bato, nġa diri maruruba."

3 Nġan san nagliliningkod siya sa bawbaw san Bukid san mġa Olibo, sa atubangġan san simbahan, si Pedro ug si Iakobo, ug si Iuan, ug si Andres napakiana sa iya sin pinid:

\* *Lepta*, amo an usa nġa kuadrante, obus sa katunġa san usa ka sentabo conant.

4 "Igsumat sa amon: ¿San-o ba ini nga mga bagay? Nġan, ¿ano an mga tigaman kon ini ngatanan nga mga bagay matuman?"

5 Nġan si Jesus nagtikang pagsiring sa ira: "Magmatnġon kamo, banġin may usa nga magpasimaug sa iyo.

6 Kay damu an maabut sa akon nġaran, nġan masiring: Ako amo si *Kristo*, nġan damu an mahasisimang.

7 Nġan kon bumati kamo sin mga away, ug aringasa san mga away, diri mapakalisang kamo; kay kinahanglan mahanabu, kondi an katapusan diri pa yana.

8 Kay an ginhadian matindug patok sa ginhadian, nġan an katawohan patok sa katawohan; nġan may maada mga linog sa magkadirodilain nga mga lugar, nġan may ada mga kagutum, ug mga kasamok. Ini amo an tinikaġan san mga kasakitan.

9 Kondi pagmatnġon kamo nġahaw; kay igtutubyan kamo sa mga hukmanan; ug sa mga sinagoga pagbahampakon kamo; nġan sa atubangsan san mga gobernador, ug sa mga hadi kamo matukdaw tungud sa akon sa pagkamatatud sa ira.

10 Nġan an Maopay nga Sumat kinahanglan siahan, nga igwali sa ngatanan nga mga katawohan.

11 Nġan kon kamo pagdad-on sa pagtubyan sa iyo, diri kamo mangarit anay kon ano an iyo igyakan; kondi an bisan ano nga ihahatag sa iyo sadto nġahaw nga oras, amo an igyayakan niyo; kay diri kamo an nagyakan, kondi an Espiritu Santo.

12 Nġan an bugto nga lalaki igtutubyan an bugto nga lalaki sa kamatayon; nġan an amay, an anak; nġan an mga anak matindug patok sa mga kaganak, uġan mamamatay sira.

13 Nġan kamo pagdudumtan san ngatanan tungud san akon nġaran; kondi an makakapadayon tubtub sa katapusan, ini maluluwas."

*Padayon san pagwali sa pagkamanaragna:  
an daku nga kagol-anan.*

14 "Kondi kon kumita kamo san maraut nga magwawara, nga igintagna ni Daniel nga manaragna, dida sa diri niya kinahanglan (an magbasa, sabuton); niyan an mga aadto sa Iudea, manmamalagyo ngadto sa mga kabukiran;

15 Ngan an sa bubung, diri palusaron sa balay, bisan pagsuluh pagkuba sin bisan ano sa iya balay;

16 Ngan an aadto sa kapatagan, diri pabalikon pagkuba san iya kurugpus.

17 Kondi, i kairo san mga burud, ngan san mga nagpapasoso sadto nga mga adlaw!

18 Ngan pangaraba kamo, basi diri an iyo pamalagyo mahamatugnaw.

19 Kay sadto nga mga adlaw magmamagool gud, sugad nga waray pa nabatabu tikang san tinikanan san paghimo san Dios tubtub yana, ngan diri man mahananabu.

20 Ngan kon diri pagpahaliputon san Ginoo adto nga mga adlaw, waray unud nga maluluwas. Kondi tungud san mga pinili, nga iya pinili, iya ginpahalipot adto nga mga adlaw.

21 Ngan niyan kon may usa nga sumiring sa iyo: i Kitaa, habani si Kristo! o i kitaa, adto didto! Diri matoo.

22 Kay an mga buwaon nga mga Kristo, ug buwaon nga mga manaragna, malutaw, ngan magpapakita sin mga tigaman ug mga katingalahan, basi mahasimang, kon mahihimo, bisan pa an mga pinili

23 Kondi magmatugon kamo, akonigins usumat nga daan sa iyo ngatanau."

*Pagdayon san pagwali san pagkamanaragna: an pagbalik san Anak san Tawo.*

24 "Kondi sadto nga mga adlaw, sa katapus sadto nga kagol-anan, an adlaw magmamasirum, ug an bulan diri mahatag san iya kalamrag;

25 Ngan an mga kabitonan magkakakataktak tikang sa langit, ngan an gahum san langit pagooyugon.

26 Ngan niyan sira makita an Anak san Tawo, nga tikanhi sa mga dampug upud in daku nga gahum ug himaya

27 Ngan niyan iya sosogoon an mga sorogoon san Dios, ngan pagtirok san iya mga pinili tikang sa upat nga hangiuhan, tikang sa katapusan san tuna ngadto sa katapusan san langit.

28 Ngan tikang san igera magtoon kamo san pananglitan. Kon an iya mga sang'a malubay na, ngan pamuklaran san dahon, iyo hibabaroan nga an kapasoo harani.

29 Sugad man kamo, kon kamo kumita sini nga mga butang nga mahananabu, hibaroi niyo, nga siya harani sa mga ganghaan.

30 Matuud, ako nasiring sa iyo: Ini nga katulinan diri maagi tubtub san paghinabu ngatanan ini nga mga butang.

31 An langit ug an tuna maagi, kondi an akon mga poleng diri maagi."

*Katapusan san wali sa pagkamanaragna: an pag-agma.*

32 "Kondi an nahatutungud sito nga adlaw, o oras, waray usa nga maaram, bisan an mga sorogoon san Dios sa mga langit, bisan an Anak, kondi an Amay.

33 Pagmatngon kamo, ngran pag-agma, ug mangaraba; kay diri kamo maaram kon san-o an panahon.

• 34 Sugad san usa ka tawo nga linakat sin harayo, ngran binayaan an iya balay, ngran naghatag sin kaganihan sa iya mga uripon, sa tagsa nga iya buhat, ngran nagsogo sa magbarantay san ganghaan nga mag-agma.

35 Busa, mag-agma kamo, kay diri kamo maaram kon san-o an pagbalik san agaron san balay, sa kolop ba, o sa katutnga san gab-i, o sa panuggaok san manok, o sa aga;

36 Bangin umuli sa kadagmitan, ngran hiaagian kamo nga nangangatorog.

37 Ngran an akoni siniring sa iyo, ako nasiring sa ngatanan: Mag-agma kamo."

*An pagsarabut san mga saserdote.*

**14** NGRAN, sa katapus san duha ka adlaw amo an pasku; ug an mga tinapay nga waray patubu; ngran an mga puno san mga saserdote, ug an mga eskriba, nagpipinamiling kon uunanon nira an pagdakup sa iya sa limbong, ngran patayon siya.

2 Kay sira nasiring: "Diri sa piesta, bangin may maada kaaringasa san katawohan."

*An panihapon sa Betania.*

3 Ngran san nakadto siya sa Betania, sa balay ni Simon nga lasarohon, san nakiling siya sa lamesa, inabut in usa nga babaye, nga may usa nga tibudtibud nga alabastro nga balsamo sa nardo nga uray, nga mahal kaopay, ngran iya ginboong an tibudtibud nga alabastro, ngran iginbobo sa olo ni Jesus.

4 Kondi may iba nga daku an panhiusbu sa ira la ngahaw,



nġan nasiring: "¿Sa ano ba nġa hinungdan sini nġa pagkarag san balsamo?"

5 Kay ini nġa balsamo mahababaligya sa labaw sin tolo ka gatus nġa denario, nġan ihatag san mġa kablas." Nġan sira nagnġingurutub sa iya.

6 Kondi si Jesus siniring: "Pabayi siya. ¿Ano an iyo paglisangġa sa iya? Siya nagbuhat sin maopay nġa buhat sa akon.

7 Kay an mġa kablas kaupud niyo gihapon, nġan bisan san-o an iyo karuyag makakahimo kamo pagbuhat sin maopay sa ira; kondi si ako diri iyo gihapon.

8 Siya nagbuhat san iya nahihimo: siya nagdihog san akon lawas una sa lubnganan.

9 Matuud, ako nasiring sa iyo, nġa bisan diin igwali an Maopay nġa Sumat sa bug-os nġa kalibutan, kahihimangrawan man an binuhat sini nġa babaye sa hinumduman sa iya."

*An palit san kamalinġo.*

10 Nġan si Judas Iskariote. nġa usa san nanapulo kag duha, linakat ngadto sa mġa puno san mġa saserdote, basi niya igtubyan siya sa ira.

11 Nġan san ira pakabati sito, sira nalipay, nġan nagsaad paghatag sa iya sin kuwarta. Nġan siya nagpipinamiling sin maopay nġa katigayonan sa pagtubyan sa iya.

*An katapusan nġa pasku.—An baraan  
nġa panihapon.*

12 Nġan sa siahan nġa adlaw san mġa tinapay nġa waray patubu, san ginihaw an nati nġa karnero sa pasku, an iya mġa tinon-an siniring sa iya: "¿Hain an imo karuyag, nġa amon kakadtoan ug pagaandaman, basi ikaw kumaon sa pasku?"

13 Nġan iya ginsogo an duha san iya mġa tinon-an, nġan siniring sa ira: "Lakat kamo ngadto sa bungto; nġan didto may ada tawo, nġa iyo ighihitapo, nġa nagdadara sin usa ka bangġa nġa tubig: sonda niyo siya.

14 Nġan kou diin siya sulud, siniring kamo sa agaron san balay: An Magturutdo siniring: ¿Hain ba an sulud nġa akon kakaonan sa pasku upud an akon mġa tinon-an?"

15 Nġan ipakikita niyo sa iyo in daku nġa sulud nġa hiro-hitaas, nġa inandaman na: didto pag-andam kamo sa aton."

16 Nġan an mġa tinon-an linakat, nġan sinulud sa bungto, nġan hinagian sugad san isiniring niya sa ira. Nġan nag-andam sira san pasku.

17 Nġan san pagkakolop, siya inabut upud an nanapulo kag duha.

18 Nġan san nanġingiling sira sa lamesa, nġan san nanga-nġaon, si Jesus siniring: "Matuud, ako nasiring sa iyo: Usa sa iyo igtutubyan ako, nġa usa nġa nakaon upud sa akon."

19 Nġan sira nagtikang pagkamasurub-on, nġan pagsiring sa iya an tagsatagsa: "? Si ako ba?"

20 Nġan siya siniring sa ira: "Usa san nanapulo kag duha an naporot upud sa akon sa pingan.

21 Kay an Anak san Tawo tilakat, sugad san nahasurat sa nahatutunġud sa iya; kondi ;kairo sadton tawo nġa tunġud sa iya magtutubyan san Anak san Tawo! Maopay pa sa iya, kon waray siya matawo."

22 Nġan san nanġanġaon sira, siya kinuha sin usa nġa tinapay, nġan bendisionan ug pagpinitpiniton, nġan ipanhatag sa ira, nġan sumiring: "Kuha kamo; ini an akon lawas."

23 Nġan san pagkuha san tagayan, siya nagpasalamat, nġan ihatag sa ira; nġan sira nġatanan nanġinum sito.

24 Nġan siya siniring sa ira. Ini an akon dugo san bag-o nġa testamento, nġa igtatakbo tunġud san kadam-an.

25 Matuud, ako nasiring sa iyo, nġa diri na ako mainum san bunġa san ubas, tubtub san adlaw nġa akon paginum san bag-o sa ginbadian san Dios

26 Nġan san nagkakantahan sira, napasingadto sa Bukid san mġa Olibo

*Si Pedro nġa ginpahibaro.*

27 Nġan si Jesus siniring sa ira: "Nġatanan kamo may ada katigayonan paghipakdol; kay nahasurat na: Akon sasamaron an bantay, ug magpapatlag an mġa karnero.

28 Kondi sa katapusan ako mababanhaw, maguuna ako sa iyo nġadto sa Galilea."

29 Kondi si Pedro nasiring sa iya: "Bisan an nġatanan may ada katigayonan san paghipakdol, ako diri."

30 Nġan si Jesus siniring sa iya: "Matuud, ako nasiring sa imo, nġa ikaw yana nġa adlaw sa sini nġa gab-i, sa diri pa

matugaok an manok sin makaduha, iglilirong mo ako sin makatolo."

31 Kondi siya nagsiniring gud sa daku nga paniguro: "Bisan kinabanglan sa akon nga mamatay upud sa imo, diri ko ikaw iglilirong." Ngan sa sugad man sira naniniring ngatanan.

*Si Jesus sa Getsemani.*

32 Ngansira inabut sa usa nga tanaman, nga gingangaranan nga Getsemani; ngan siya siniring sa iya mga tinon-an: "Pagkalingkod kamo dinhi, nga nangangaraba pa ako."

33 Ngan iya iginupud si Pedro, ug si Iakobo, ug si Iuan, ngan nagtikang panhipausa, ngan pagkasubu gud.

34 Ngan siya siniring sa ira: "An akon kalag nasusubu gud kaopay tubtub sa kamatayon; ukoy dinhi, ngan pag-agma."

35 Ngan san pagoroonhanay siya, kinulub sa tuna, ngan mangaraba, nga kon mahihimo nga ini nga oras umagi sa iya.

36 Ngan siya siniring: "Abba, Amay, an ngatanan nga mga bagay mahihimo nimo; kuhaa sa akon ini nga tagayan; kondi diri an akon kaburut-on, kondi an imo."

37 Ngan siya inabut, ngan hinagian sira, nga nanhibingatorog; ngan siya siniring kan Pedro: "Simon, ¿nakatorog ka ba? ¿Diri ka ba nakakahimo pag-agma sin usa ka oras?"

38 Pag-agma, pangaraba, basi kamo diri mahasulud sa panulay. Matuud, an espiritu andam, kondi an unud maluya."

39 Ngan siya binulag liwat sa pangaraba, sa sugad man nga mga polong.

40 Ngan san pagbalik, iya sira hinagian liwat nga nangatorog, kay an ira mga mata magbug-at kaopay; ngan sira waray hibaro kon ano an ibabaton sa iya.

41 Ngan siya binalik sa ikatolo, ngan siniring sa ira: "Pangatorog kamo san salin nga panahon, ngan pamahuway kamo. Igo na: an oras habani na; kitaa, an Anak san Tawo igintutubyan ngadto sa mga kamut san mga magpakasasala.

42 Buhat, pagkalakat kita; kitaa, an nagtubyan sa akon iini na."

*An pagdakup kan Jesus.*

43 Ngan sa kadagmitan, san nagyiyinakan pa siya, si Iudas

inabut, nga usa san nanapulo kag duha, nğan upud niya an kadam-an nga mga katawohan, nga may mga kampilan, ug mga balbag, tikang sa mga puno san mga saserdote ug mga eskriba, ug mga katigurangan.

44 Yana, an nagtubyan sa iya, naghatag sa ira sin tigaman, nğan nasiring: "Kon sin-o an akon hadkan, amo siya; dakpa siya, nğan dad-a sin madig-on gud."

45 Nğan san pag-abut, sa kadagmitan siya dinaup sa iya, nğan nasiring: "Rabi," nğan hadkan siya.

46 Nğan ira ginkaptan siya, nğan gindakup.

47 Nğan an usa san nagkakatukdaw sa hirani, iya hinulbut an iya kampilan, nğan tigbason an uripon san pinakahataas nga saserdote, nğan napalong ang iya talinga.

48 Nğan si Jesus, san pagbaton, siniring sa ira: "¿ Sugad ba an iyo pagawas sin patok sa usa nga tikasan, nga may mga kampilan, ug mga balbag, pagdakup sa akon?"

49 Sa adlawadlaw ako upud niyo sa simbahan sa panutdo, nğan waray niyo ako pagdakpa, kondi *ini*, basi matuman an Santos nga Surat."

50 Nğan siya ginbabyaan nira ngatanan, nğan nan-malagyo.

51 Nğan usa nga olitawo nasunud sa iya, nga nagkukurug-pus sin usa nga panapton sa iya *lawas* nga hubo. Nğan ira gindakup siya.

52 Kondi iya binayaan an panapton, nğan pinalagyo nga hubo.

*Si Jesus sa atubanğan san Sanhedrin.*

53 Nğan ira gindara si Jesus ngadto san pinakahataas nga saserdote, nğan nagtitirok sa iya an ngatanan nga mga puno san mga saserdote, ug mga katigurangan, ug mga eskriba.

54 Nğan si Pedro sinunud sa iya sin harayo tubtub sa sakub sa sirong san pinakahataas nga saserdote; nğan siya nalinkod upud san mga sorogoon, nğan nagdadangdang siya sa kalayo.

55 Nğan an mga puno san mga saserdote ug an ngatanan san sanhedrin nagpipinamiling sin saksi patok kan Jesus, basi siya patayon. Nğan sira waray pakaagi.

56 Kay damu an nasaksi patok sa iya sin buwa gud, nğan an ira pagsaksi waray pagkakaoroyon.

57 Nğan an usa binuhat, nğan nagsaksi sin buwa patok sa iya, nğan nasiring:

58 "Kami nakabati, nga siya nasiring: Akon gugub-on ini nga simbahan, nga ginhimo san mga kamut, nğan san ikatolo ka adlaw ako magtitindug sin usa, nga diri binuhat san mga kamut."

59 Kondi bisan pa ini, waray gud pagkakaayon an ira pagsaksi.

60 Nğan an pinakahataas nga saserdote tinukdaw sa butnga, nğan nagpakiana kan Jesus, nğan nasiring: "¿ Waray mo ba bisan ano nga ibaraton? ¿ Ano ini nga iginsasaksi nira patok sa imo?"

61 Kondi siya binnoot, nğan waray magbaton sin bisan ano. Nagpakiana liwat an pinakahataas nga saserdote, nğan nasiring sa iya: "¿ Ikaw ba si Kristo, an Anak san Darayawon?"

62 Nğan si Jesus siniring: "Si ako, nğan iyo kikitaon an Anak san Tawo, nga nalingkod sa too san Gahum, nğan makanhi sa mga dampug san kalanġitan."

63 Nğan an pinakahataas nga saserdote, san paggusia san iya mga panapton, siniring: "¿ Ano pa an aton pagkinabanglan sin mga saksi?"

64 Iyo hinbatian an pasipara: ¿ ano an iyo ginhunahuna?" Nğan sira ngatanan naghukom sa iya nga anġay ipatay.

65 Nğan an iba nagtikang paglura sa iya, nğan gintabonan an iya bayhon, nğan suntukon siya, nğan nasiring sa iya: "Itagna." Nğan an mga sorogoon gintampalo siya san ira mga kamut.

*Iginlirong ni Pedro si Jesus.*

66 Nğan san nakadto si Pedro sa bung saran sa sirong, may dinaup nga usa nga sorogoon nga babaye san pinakahataas nga saserdote.

67 Nğan san pakakita kan Pedro, nga nagdadangdangsiya nagkinita sa iya, nğan nasiring: "Upud ka man ni Jesus, nga Nasarenon."

68 Kondi siya naglirong, nğan nasiring: "Waray ako kikilala, bisan paghibaro kon ano an imo ginyayakan." Nğan siya ginawas ngadto sa garogawas nga bung saran; nğan tinogaok an manok.

69 Nğan an sorogoon nga babaye, san pagkita sa iya, nagtikang liwat pagsiring san mga nagkakatudaw sa hirani: "Ini usa sa ira man."

70 Kondi siya naglirong liwat. Nġan waray pagjiha an mġa nagkakatukdaw sa harani, siniring liwat kan Pedro: "Matuud gud, usa ka sa ira, kay ikaw Galileanhon, nġan an imo pagyakan sugad *man*."

71 Kondi siya magtikang pagbusa ug pagsumpa: "Ako diri nakilala sini nġa tawo, nġa iyo iginyayakan."

72 Nġan sa kadagmitan an manok tinogaok sa ikaduha. Nġan si Pedro nahanumdum san polong san isiniring ni Jesus sa iya: "Sa waray pa an manok tutugaok sin makaduha, iglilirong mo ako sin makatolo." Nġan san paghunahuna sini, siya nagtinook.

*Si Jesus sa atubanġan ni Pilato.*

**15** NġAN, sa kadagmitan san pagkaaga, an mġa puno san mġa saserdote upud an mġa katigurangau ug mġa eskriba, nġan an bug-os nġa sanhedrin, san pagsarabut nira, nġan san kagapus ni Jesus, gindara siya nira, nġan igintubyan siya kan Pilato.

2 Nġan si Pilato nagpakiana sai ya: "Ĝ Hadi ka ba san mġa Iudio?" Nġan siya binaton, nġan siniring sa iya: "Ikaw an nasiring *sito*."

3 Nġan an mġa puno san mġa saserdote nagsumbung sa iya san damu nġa mġa bagay.

4 Nġan si Pilato nagpakiana liwat sa iya, nġan nasiring: "Ĝ Waray ka ba bisan ano nġa ibaraton? Kitaa, kon ano kadamu nġa mġa bagay, nġa ira iginusumbung patok sa imo."

5 Kondi si Jesus waray na magbaton, amo an paghipausa ni Pilato.

6 Nġan sa piesta ikinabatasan niya sa pagbuhi sa ira sin usa nġa bilango, nġa ira pinangangaro

7 Nġan didto may usa nġa ginġangarau si Barabas, nġa bilango nġa upud san iya mġa kaurupud san pagkaribok, nġa nagpakamatay sadto nġa karibok.

8 Nġan san pagsaka, an kadam-an nagtikang pangaro sa iya, nġa pagbuhaton niya sa ira sugad san iya ikinabatasan.

9 Nġan si Pilato nagbaton sa ira, nġan nasiring: "Ĝ Karuyag ba niyo, nġa akon buhian sa iyo an Hadi san mġa Iudio?"

10 Kay siya nagtitihibaro, nġa tungud san kaawa san mġa puno san mġa saserdote, igintubyan siya.

11 Kondi an mġa puno san mġa saserdote ginukay an kadam-an, basi iya lubian lugud sa ira si Barabas.

12 Nġan si Pilato, san pagbaton, siniring sa ira: "Ķ Ano man an akon bubuhaton san iyo ginġangaran nġa Hadi san mġa Iudio?"

13 Nġan sira nagsingit liwat: "Ķ Igraysang siya sa krus!"

14 Nġan si Pilato siniring sa ira: "Busa, Ķ ano nġa maraut an iya nabuhat?" Kondi sira nagginulihat gud: "Ķ Igraysang siya sa krus!"

15 Nġan si Pilato, san karuyag matumanan an kadam-an, ginbuhian sa ira si Barabas, nġan igtubyan si Jesus, sa katapus paghampaka, nġa igraysang sa krus.

16 Nġan an mġa sondalo isinulud siya sa bungseran nġa amo an pretorio,\* nġan gintitiroĶ an bug-os nġa panon.

17 Nġan ira ginsul-utan siya sin mapulapula; nġan gintalunay an usa nġa parungpurung nġa tunukon, nġan ibutang mira sa iya.

18 Nġan sira nagtikang pangomusta sa iya: "Ķ Himaya, hadi san mġa Iudio!"

19 Nġan ira gindagulan siya san usa nġa kawayan, nġan ginlud-an siya, nġan nalohod pagsimba sa iya.

20 Nġan san pagyubiti mira sa iya, ira ginlubas an mapulapula, nġan igsul-ut an iya kalugarinġon nġa mġa panapton; nġan ira gindara siya sa gawas, basi igraysang sa krus.

*An pagraysang sa krus.*

21 Nġan ira ginlugos an usa nġa si Simon, nġa taga-Sirene, nġa nalabay tikang sa horon; nġa amay ni Aleksandro ug ni Rupo, basi magpas-an san iya krus.

22 Nġan ira gindara siya nġadto sa lugar nġa Golgota, nġa kon hubaron, an lugar san usa nġa bagol.

23 Nġan pinainum siya mira sin alaksio, nġa sinalaktan sin mira; kondi waray niya karawata.

24 Nġan iginraysang siya mira sa krus, nġan pagbahin-bahinon an iya mġa panapton, nġan nagpapalaran sira an pagdadaraon san tagsatagsa sa ira.

25 Nġan adto ikatolo na an oras, nġa ira igraysang sa krus siya.

26 Nġan an sinurat san sunbung patok sa iya, igin surat sa bawbaw: AN HADI SAN MġA IUDIO.

\* Pretorio, balay san gobernador.

27 Nġan upud sa iya ira iginraysang an duha nġa mġa kawatan, an usa sa iya too, ug an usa sa iya wala.

28 Nġan natuman an Santos nġa Surat, nġa nasiring: "Nġan nahaihap siya upud san mġa maraut."

29 Nġan an mġa nangangagi nagpapasipara sa iya, nġan nagtatarotangdo, nġan nasiring: "Ķ Ah, ikaw an magruruba san simbahan, nġan pagtitindugon mo sa kanan tolo ka adlaw,

30 Magluwas ka, nġan lusad tikang sa krus!"

31 Nġan sugad man an mġa puno san mġa saserdote nagyuyubit an tagsatagsa upud an mġa eskriba, nġan nasiring: "An iba iya ginluwas, sa iya nġahaw diri nakakaluwas.

32 Lumusad yana si Kristo, an hadi ni Israel, tikang sa krus, basi kami kumita nġan tumoo." Nġan an mġa nagraysang sa krus upud sa iya, nagpapakaraut sa iya.

33 Nġan san pag-abut san ikaunum nġa oras, inabut in kadulum sa bug-os nġa tuna, tubtub sa ikasiam nġa oras.

34 Nġan sa ikasiam nġa oras si Jesus nagsingit sa daku nġa tingug, nġan nasiring: "Eloi, Eloi, Ķ lama sabaktani?" nġa kon hubaron: "Dios ko, Dios ko, Ķ kay ano nġa ginbungalusan mo ako?"

35 Nġan an ila san nagkakatudaw sa harani, san pakabati sito, siniring: "Kitaa, siya nagtatawag kan Elias."

36 Nġan an usa dinalagan, nġan paghomogon sin maopay an usa nġa buga san sooy, nġan itaud sa usa nġa kawayan, nġan ipainum sa iya, nġan nasiring: "Pabayi la, makita kita, kon si Elias kumanhi sa pagtangkal sa iya."

37 Nġan si Jesus, san pagsingit san daku nġa tingug, nabugto an ginhawa.

38 Nġan an biray san simbahan napikas tikang sa igbaw tubtub sa nbus.

39 Nġan an senturion nġa natukdaw sa atubangan niya, san pakakita nġa nabugto an iya ginhawa, siniring: "Matuud gud, nġa ini nġa tawo Anak san Dios."

40 Nġan didto sa hirayo may nagkikinita man nġa mġa kababaynan, nġa sa ira si Maria Magdalena, ug si Maria, nġa iroy ni Iakobo nġa manghud ni Ioses, ug si Salome;

41 Nġa san nakadto siya sa Galilea nasuud sa iya ug nagmamangno sa iya; nġan damu pa nġa iba nġa mġa kababaynan, nġa nanakaupud sa iya nġadto sa Ierusalem.



42 Ngan san kakolop na, kay yana igarandam, nga kon hubaron an una nga adlaw san iparahuway,

43 Inabut si Iose nga taga-Arimatea, bantugan nga mag-saragdon, nga naghuhulat man san ginhadian san Dios, ngan, sa waray kahadluk, siya nakadto kan Pilato, ngan pinangaro an lawas ni Jesus.

44 Ngan si Plaito nahapausa nga patay na, ngan gintawag niya an senturion; ngan siya nagpakiana sa iya, kon maiha na ba nga mamatay siya.

45 Ngan san paghibaro tikang sa senturion, iya iginhatag an lawas kan Iose.

46 Ngan siya kinwarta sin usa nga panapton, ngan ginhalogos siya, ngan pagputson san panapton, ngan ibutang sa lulubngan nga nahaukab dida sin bato; ngan iya ginpakaliding an usa nga bato ngadto sa ganghaan san lubnganan.

47 Ngan si Maria Magdalena, ug si Maria, nga iroy ni Ioses, nakakita kon diin siya ibutang.

*An pagkabanhaw.*

**16** NGAN san pag-agi san iparahuway nga adlaw, si Maria Magdalena ug si Maria, nga iroy ni Iakobo, ug si Salome, nanmalit sin maghamut, basi sira kumadto sa pagdihog sa iya.

2 Ngan san agaaga pa gud, sa siaban nga adlaw san semana, sira inabut sa lulubngan, san nasirang an adlaw.

3 Ngan nagigisirsiring sira: "¿Sin-o an makaliding san bato tikang sa ganghaan san lulubngan?"

4 Ngan san pagsiplat sira, nakakita nga an bato ginkaliding, kay daku sin duro an bato.

5 Ngan san pagsulud sa lulubngan, nakakita sira sin usa nga olitawo, nga nalingkod sa too, nga nagsul-ut sin mabusag nga panapton, ngan sira nanhipausa.

6 Ngan siya nasiring sa ira: "Diri kamo manhipausa; nagbibiniling kamo kan Jesus nga Nasareton, nga iginpray-sang sa krus: siya nabanhaw; waray dinhi siya. Ngan kita, an lugar nga ira ginbutangan sa iya.

7 Kondi lakat kamo, ngan siring sa iya mga tinon-an ug kan Pedro: Siya maguuna sa iyo ngadto sa Galilea, didto iyo hikikit-an siya, sugad san iya isiniring sa iyo."

8 Ngan sira nangowa, ngan namalagyo tikang sa lubnganan, kay an pangorog ug panhipausa dinakup sa ira; ngan

sira waray sumiring sin bisan ano sa bisan sin-o, kay sira nagkakahadluk.

*An mġa pagpahayag ni Jesus nġa nabanhaw.*

9 Nġan san pagkabanhaw, san agaaga pa sa siahan nġa adlaw san semana, siya napakita siahan kan Maria Magdalena, nġa iya ginpagowaan sin pito nġa yawa.

10 Siya linakat, nġan igsumat sa mġa kaupud niya sadto nġa nanhahayhay ug nanonook sira.

11 Nġan, san ira pakabati nġa siya buhi, ug nġa iya hinkitan, waray sira manoo.

12 Nġan sa katapus sito, siya pagpahayag sa lain nġa dagway sa duha sa ira, nġa naglalakat natikadto sa horon.

13 Sira nakadto man, nġan igsumat sa iba; nġan bisan pa ini, sira waray tomoo.

14 Nġan wara pagiiha, siya napahayag sa nanapulo kag usa, nġa nanġingiling sira sa lamesa, nġan ginsaway sira sa kakulang nira sin pagtoo ug kamatig-a sin kasingkasing, kay sira waray totoo sadton nġa nagpakakita sa iya sa katapus niya kabanhaw.

15 Nġan siya siniring sa ira: "Lakat kamo sa bug-os nġa kalibutan, nġan igwali an Maopay nġa Sumat sa ngatanan nġa mġa tawo.


16 An matoo, nġan mabaptisan, maluluwas; kondi an diri matoo, paghuhukman sin sirot.


17 Nġan ini nġa mġa tigaman maupud sadton mġa nagtotoo: sa akon nġaran ira papangawason an mġa yawa; sira magyayakan sin bag-o nġa mġa yinaknan.

18 Sira makakakaput sin mġa bitin, nġan kon uminum sira sin mġa butang nġa uwakabihilo, diri makakaraut sa ira; ira ibubutang an ira mġa kamut sa mġa magsakit, nġan sira matatambal."

19 Busa, an Ginoo, san pakatapus pagyakan niya sa ira, ginbayaw siya ngadto sa langit, nġan liningkod sa too san Dios.

20 Nġan sira nagkagowa, nġan nanwali sa ngatanan nġa lugar, nġan an Ginoo nagbubuhat upud sa ira, nġan pagmatuud san polong tungud san mġa tigaman nġa naupud. Hmaot pa unta.





The first part of the document discusses the importance of maintaining accurate records of all transactions. It emphasizes that every entry, no matter how small, should be recorded to ensure the integrity of the financial data. This includes not only sales and purchases but also expenses and income. The text suggests that a systematic approach to record-keeping is essential for identifying trends and making informed decisions.

In addition to record-keeping, the document highlights the need for regular audits. Audits help to detect errors and prevent fraud, ensuring that the financial statements are accurate and reliable. It is recommended that audits be conducted at regular intervals, such as quarterly or annually, depending on the size and complexity of the organization. The text also notes that audits can provide valuable insights into the efficiency of operations and areas for improvement.

Another key aspect of financial management is the use of budgeting. A well-defined budget allows an organization to allocate resources effectively and track its performance against financial goals. The document explains that budgeting involves setting targets for various departments and monitoring actual results against these targets. This process helps to identify variances and take corrective action when necessary.

Finally, the document stresses the importance of transparency and communication in financial management. All stakeholders, including employees, investors, and creditors, should have access to accurate and timely financial information. This transparency builds trust and ensures that everyone is working towards the same goals. The text concludes by stating that a strong financial foundation is essential for the long-term success and sustainability of any organization.

